

溧陽縣志卷十六

雜類志

瑞異

謹案江南通志
瑞祥一門入雜類今遵之

晉義熙五年五月癸巳雨雹

宋熙甯六年大旱

紹興十九年己巳甘露降

咸淳六年大旱

明洪武初嘉竹瑞麥生十五年彭子美妻李氏盲年一

百一十八歲

據彭譜李以宋度宗咸淳元年生

二十年大旱六月大雨

二十九年復大旱

建文四年地震飛蝗遍野

溧陽縣志

卷十六

雜類志 瑞異

永樂三年大水

正統八年夏旱秋澇

景泰六年大旱民饑有疫

天順元年城中火公廩民居殆盡

成化四年夏大旱水竭十七年春夏大旱七月大雨水

溢十九年正月大雪七日樹介

宏治十四年十月十七日地震十八年九月十三日地

復震

正德三年秋大旱五年七月大水十四年十五年復大

水

嘉靖二年大旱民多饑死七年復大旱十四年旱蝗蔽

野十五年夏雨雹大如斗牛馬多擊死二十三年大旱
自六月至九月不雨二十四年復大旱二十八年大水
三十八年復大旱三十九年冬大雪樹介禽鳥多凍死
四十年大水七月地震四十一年大疫

萬曆七八年俱大水九年大疫十三年二月初六日地
震十六年大旱十七年復大旱疫三十六年大水四十
五年濮陽鉅得年一百歲

據冊結鉅以武宗正德十三年生

邑侯給以

太古遺民之額

天啟二年十二月二十三日地震四年大水五年夏日

中無光見星又日旁星光相摩如數十百日

此據閭史舊縣志作

旁有黑子如日者十數

溧陽縣志

卷十六

雜類志 瑞異

一一

崇禎十一年至十四年連歲大旱湖坼見底飛蝗遍野
十五年大疫

國朝順治五年大雨雹二麥無秋六年獲虎於長蕩湖虎
偃晝行三月鵲巢於田七年大水八年二月十八日雷
雨晝晦夏大水

康熙三年大水十月彗星見南方自翼軫西行抵婁宿
經五十餘日四年二月彗復見

皇恩大赦七年大水六月十八日地震九年大水

舊縣志云知府張際龍行

縣勘災以縣令楊待之頗簡心銜之災故不報楊亦終以此被揭去

十一年十五年復大

水十六年嘉禾生沂橋郝氏田中一叢數百莖一莖五

穗高莠種尺許又王綸橋邊有一莖數十穗者十七年

瑞麥生栢枝廟姜氏田中一莖五歧知縣裴裘申詳督院十八年大旱十九年麥秋大稔各鄉以歧麥獻瑞按察金某觀風有麥瑞五歧賦又夏林瑞菜一株自根至葉半紅半青載送縣署或圖刻作頌餞裴入 都是年大水二十二年春水泛溢二麥無收三十二年三十七年俱秋澇傷禾四十一年秋大水圩田災四十六年秋大旱高田災圩田半收四十七年秋洪水泛溢漂蕩民房四十八年春夏疫癘入秋乃安雨少不爲災五十三年夏秋大旱傷禾五十五年夏秋大水六十年秋大旱斷流半月六十一年秋大旱蝗蝻遍野

溧陽縣志

卷十六

雜類志 瑞異

三

稔八年夏秋疫冬底乃安歲稔十二年夏秋大水圩田災

乾隆二年秋大水圩田災三年秋大旱高田災圩田半收四年夏有蝗撲滅不爲災五年四月雨雹傷麥六年圩田被水補種歉收八年水滄田一十九萬八千餘畝

謹案自順治五年至乾隆八年並據舊縣志及瀨水備聞

二十八年八分水災二十六年三十一年俱五分水災三十三年七八分旱災不等三十四年被水三分有餘四十年七八分旱災不等四十年五七分旱災不等五十年七分旱災有蝗走而不飛五十一年麥大稔

嘉慶四年知縣事周煒以考職主簿史楚親見七代五

世同堂具詳五年巡撫岳以楚妻馬氏及子鼎輝媳狄氏以下五世同堂 題准部覆

恩給昇平人瑞扁額緞疋銀兩五年九年水不成災十二年

旱災五分十五年澍莊錢克新妻楊氏享年一百歲

以康熙

年 五十年 嘉禾生永定區下尖圩戴氏田中一叢

百餘莖一莖五六穗不等

謹案自乾隆二十年至嘉慶十六年並據案牘及採訪冊

紀聞

案紀聞次敘亦略依本書門類不以時代為後先以便尋檢覽者詳焉疑辨補遺同

舊縣志云黃金山雨後土色如金過此卽句容界倘亦真誥所云句金之屬與案續博物志引真誥金陵古名伏龍地句曲山秦時爲句金之所又以積金山得名山生黃金漢靈帝詔採句曲之金以充武庫孫權遣宿衛

溧陽縣志

卷十六

雜類志 紀聞

四

人採金屯伏龍之地因改名金陵陶宏景云大茅山尙有數坑名金井山之近東諸處碎石往往皆有金沙今案溧陽黃金山雖在茅山東南然絕無金沙所謂土色如金者亦祇山土之常色耳古書正不可泥也

宋米友仁嘗作溧陽溪山圖世久失傳元陳旅題詩見安雅堂集

國朝康熙丁亥常熟黃鼎爲詹事史夔補作之夔詩云柳陌菱塘幾曲斜水田漁具足生涯軟紅塵土年年夢老盡鄉關萬樹花罨畫溪山斷復連雞豚籬落散墟烟多情最憶洮湖水百折千回到縣前登臨何處最銷憂謝朓青山李白樓曾記竹弓閒射鴨一帆春水送歸舟酷

愛襄陽米虎兒淡煙輕墨染淋漓百年粉本凋殘盡點
筆重煩老畫師渲染風光處處同銅官石屋雨濛濛儂
家一角村莊路淡墨秋山數點中蘆碕沙步劇分明魚
計拋殘百感生小閣鎮看三丈卷案頭疑有畫船橫一
時名流查慎行沈宗敬輩三十餘人並和之

南史何承天傳元嘉中承天爲太子率更令時丹陽溧

陽丁况等

宋書本傳但云丹陽
丁况等不云溧陽

久喪而不葬承天議曰

禮云還葬當謂荒儉一時故許其稱財而不求備丁况
三家數十年中葬輒無棺槨實由淺情薄恩同於禽獸
者耳竊以丁寶等同伍積年未嘗勸之以義繩之以法
十六年冬旣無新科又未申明舊制有何嚴切欵然相

溧陽縣志

卷十六

雜類志 紀聞

五

糾或由鄰曲分爭以興此言如聞在東諸處比例旣多
江西淮北尤爲不少若但謫此三人殆無所肅開其一
端則互相恐動臣愚謂况等三家且可勿問因此附定
制旨若人葬不如法同伍當卽糾言三年除服之後不
得追相告引

慶元己未宣城戴援顏帖跋云顏魯公帖有送彭城劉
太沖敘併及其仲氏太真唐史文藝有太真傳不紀其
與伯氏繼登天寶上第文集三十卷見館閣書目墓在

縣北

案謂溧
水縣

號柘塘神市人月有祭禱必應溧陽人尤

神之神道碑裴度撰蔣潼書

邑西北里許有雙橋兩水之勝村居如畫明唐寅嘗作

橫幅妙絕於時狄氏世居其地曰東野馬一龍序而書之詞翰俱美序曰野郊外之地曰東主邑也狄子居焉而建之堂堂野也鄉人稱之曰東野居士名堂也狄邑鉅姓也東野狄之良也故有學士之章焉狄之籍於鄴請一龍序諸首簡一龍不獲以大難去歲庚寅冬速一龍而告之阻於艱明年與二三子訪狄子於東野之墟將平鄴之命肇發自邑輿人絡繹而先後刑徭出沒商賈貿易戰錙銖而驚得喪者譁然盈耳也一龍曰市囂也其居眾人也二三子賦粟帛違而去之出諸寅賓之門則有演武之營壘焉有長安之驛馬焉有如雲之士女焉雞犬相聞閭閻旁午一龍曰邑外而郊矣猶有囂

焉其居鄙人也二三子賦適彼違而又去之則牛羊庶草木蕃樵夫牧豎歌唵而上一龍曰邇矣農人之所居也二三子賦畢來又違之則廣莫乎望之而不可窮也壙垠乎馳之而莫能至也某二三子其邈哉其風有莘之風也其象傅巖之象也賢人之所居也將及而矚之青山在屋流水橫門花木陰森鳶飛魚躍聞宮鐘之聲陟獨樂之境恍乎翠華雲壁之鄉一龍曰堂在斯狄氏其昌乎易曰同人于野吉傳曰謀于野則獲狄子之謂也其昌不在其身在其子孫二三子賦有媯狄子拜曰某不穀何以辱君子之大貺願誌諸籍以傳學士之

舊縣志云趙南仲丞相賜第溧陽嘗避暑水亭有詩云
水亭四面朱欄繞簇簇遊魚戲萍藻六龍畏熱不敢行
海水煎徹蓬萊島身眠七尺白鰕鬚頭枕一枚紅瑪瑙
六句既成忽睡去時有侍婢梅姐杏姐戲續云公子猶
嫌扇力微行人尚在紅塵道南仲見而存之頗得風人
之旨也

癸辛雜識云趙南仲相第嘗豢四虎於火藥庫側一日
焙藥火作眾礮倏發聲如雷霆地動屋傾四虎悉斃

常寨巷在西門外明初常遇春守溧陽立寨於此今俗
譌爲柴場巷據大清一統志

校官碑著錄多家今擇其要如後隸釋云右校官之碑

溧陽縣志

卷十六

雜類志 紀聞

七

隸額靈帝光和四季溧陽爲其長潘君作紹興十三年
溧水尉喻仲遠得之固城湖中碑今在溧水縣其間用
字剗省其刀賢去其貝干侯用張者周禮士以三耦射
豨侯大射禮用干字尙旦在昔者似謂太公周公也碑
以犖爲黎卑爲俾厶卽從字厶卽厲字垂卽垂字垂卽
智退卽退厶卽野賁卽賁字厶卽蔓字厶卽房字 原
跋云漢校官碑宋紹興十一年溧水尉喻仲遠得於固
城湖濱置之官舍今在孔廟之大門右長樂陳長方雖
嘗碑其所得本末釋文則未之見碑以靈帝光和四年
歲在辛酉造距今凡一千一百五十三年番易洪景伯
先生出字爲之釋謂挈爲契犖爲黎卑爲俾厶爲野賁

爲責剗去其刀賢去其貝干侯與豸侯通尙旦謂太公
周公可謂精審有據其餘不可辨者尙有二十七字今
觀首行自三百字以下止斯字凡十有六字比之洪氏
作釋文時又皆不可攷且如第三行之字之下是禱字
禱下闕一字有天字敏之上是克字眾之下是雋字退
之下是慝字役之上爲復反之下爲失此之上爲卽皆
隱隱可見洪則悉以爲闕文如旣安且寧則以爲呂寧
梅檜則以爲桓檜豈當時誤於墨本而然耶溧陽志至
謂元卓爲元貞是又以名乾而傳會也禧承乏于茲暇
日與士友曹國傑摩抄久之得其二三因以洪先生釋
文列於上僭附所見於其下勒諸樂石以補前修之所

未及者餘尙俟博雅君子云至順四年龍在癸酉夏五
月文學掾濟陰單禧謹識 弇州山人續編云碑光和
四年立按四年之碑若逢童三公殺阬君無極山神敬
仲蔡湛孫根凡七見於集古金石錄而獨此闕如者蓋
紹興十一年始出在歐趙二公後耳 王蒼碑考云漢
校官碑原在溧陽縣學光和四年立紹興十一年溧水
尉喻仲遠始得之固城湖移置官舍至今得免于水侵
土揜仲遠之力也蓋相去已九百六十二年矣時時見
光彩弓兵宿直或以褻衣頓於趺上必夢大龜逐而齧
之乾道戊子有官告院吏出職爲尉顧此碑字多缺蝕
以爲無用且厭人來觀呼隸史曾彥與謀將沉之宅後

廢沼內一寓客素好古聞其說往詰止之邑宰陳容之
爲徙之縣圃作屋覆焉至辛卯歲金陵守唐瑒作文一
篇欲識石背遣匠來甫鋟兩字遭碎屑激入目旋易他
匠皆然竟不能施工此說見洪邁夷堅志其碑之靈異
自有據矣番陽洪景伯爲之註釋至順間博士單禧始
考訂而跋之因手書洪氏釋文而附所補于後可謂有
功於此碑之文字者矣此碑本溧陽潘君而碑今在溧
水學宮乃禧所移置曾得之固城湖中固城今屬高淳
縣皆本漢溧陽地也今三縣志俱載其碑文并禧跋予
更索得彼地友人搨寄數本同出較對中多同異碑乃
麻石其首有額直書校官之碑四字下有圓孔可貫孔

溧陽縣志

卷十六

雜類志 紀聞

九

下卽碑文首行缺十六字

案下文當作十五字

乃八十有七載

于

銘工著較溧水高淳二志所載原文補

之今碑又缺斯金二字矣溧陽舊志以元卓爲元貞是

因其名乾而傳之金志己改正其誤二行潘君

溧陽志作潘公

誤三行絕捺

溧陽志作純捺誤

祖講

溧陽志作祖訓誤

五行除曲阿

尉

高淳志落除字

十行失俗

溧水志作失谷誤

十一行招德

溧陽志作昭德

十

二行閑

高淳志作閑

十三行皇慈

三志皆作聖慈

十五行龜艾

溧陽志作

龜文誤

後姓名梅檜

溧陽志作桓檜誤

時球

溧水志作求誤

又考

碑字形通刑禽作會孤作菰竊以爲漢碑之文惟地志
所載乃親見碑石其文自無訛謬可補他書記載之失
以徵信也今三志爭載其碑文全不較覈其字跡况遠

道未能手模其文以訛傳訛豈能更爲之考論哉 授
堂金石跋云碑首行云其誄曰錢少詹事謂誄本爲哀
死而作今縣民頌其長而稱誄失其義矣予證以周禮
太祝作六詞以通上下親疏遠近六曰誄注誄謂積累
生時德行以錫之命主爲其詞也疏此六詞者皆爲生
人作詞無爲死者之事是誄之名施于死生而通之殆
如考妣嬪可兼生稱也論語誄曰禱爾於上下神祇孔
氏注云誄禱篇名說文引此作譌亦云纍功德以求福
從言纍省聲推此碑吏民頌其生君於義固無嫌哉碑
稱布政優優詩以布作敷說文引書敷重奠席敷亦作
布儀禮聘禮管人布幕於寢門注今文布作敷是布敷

爲古今字 碑首校官字東漢時縣有校官己見金石
文字記案漢書韓延壽傳延壽于是令文學校官諸生
皮弁執俎豆蓋又在西漢時已然 案宋曾極春陵小
雅有金陵百詠校官碑云風摧雨剝校官碑集古先生
竟不知同是光和千歲石未容苦縣獨稱奇蓋此碑紹
興始出故歐陽集古錄不載其所云光和苦縣則頗有
異義杜甫李潮八分小篆歌云苦縣光和尚骨立書貴
瘦硬方通神九家集注或以苦縣爲蔡邕老子碑光和
爲師宜官鴻都門書或謂苦縣老子祠立於延熹而邕
碑刻於光和非有兩事或又以光和爲邕書華山碑苦
縣老子朱龜碑或又謂苦縣前有邕碑至光和再刻今

考曾極詩意以溧陽校官與苦縣碑同是光和時立亦不以杜詩之苦縣光和爲兩事也

魁字碑向在儒學魁星堂其後堂圯碑沒或搜得之移置櫺星門內相傳碑能止瘡祛邪頗著靈異云贊曰爾何名耶非字非畫異態異形吾不知誰之子盡道文宿之精運帝車兮酌元氣踢瑤光兮耀玉繩渾天得之而文明天下傳說得之而輔相武丁我發爾祕爾顯吾靈屈伸精華之堂舞蹈敬一之亭洋洋中外鼓動羣情兆九重之夢寐圖惟肖之丹青史臣占之奏曰天開文運賢俊彙征嘉靖甲子春正月吉旦閩龍遊洞人筆于溧

陽學宮鄒魯精華堂

案龍遊洞人教諭林楚別號

溧陽縣志

卷十六

雜類志 紀聞

十一

齊東野語載趙南仲葵一事云南仲入洛過靈璧縣道旁奇石林立一峯巍然峭崿秀潤南仲立馬撫玩久之後數年家居偶有以片石爲獻者南仲因詫諸客以昔年符離所見其將趙邦永時適在旁聞語卽退食頃數百兵舁一石來植之庭間儼然馬上所見也叩所從來則云昔年相公注視之際意謂愛此隨命部下五百卒輦歸而未敢獻適聞所言始敢以進

今案溧陽所稱趙府三石高靜已失

去祇餘蒼雲忠義意此三石中或有靈璧輦歸者以一峯巍然之語度之蒼雲足以當此高靜則不可知矣

居易錄云漢玉錢一枚題云王府布刀有趙松雪鐫蓋及贊蓋已損壞惟贊存末云延祐二年仲春良日翰林院集賢直學士趙孟頫贊門人狄庶常億得之吳中好

事家 又云康熙甲子溧陽西塘里人夜見田間有光
遂掘土數尺得古銅器一具中貯大黃布刀百餘紅綠
斑駁真漢時物其形製與宣和博古圖所載漢盃同今
歸門人狄庶常億

池北偶談云順治中渭南漁人於渭水中得秦時未央
宮香奩一具銅綠如鸚鵡毛可愛溧陽狄秋水敬爲潼
關道兵備副使得之副使子億予辛未所取士今官翰
林

金陵志引溧陽志相公墓在縣北十五里民犁爲田鹽
官墓在縣北二十五里山前寨西皆無姓名

邑西三里許有古秀才墳莫知氏籍墳前有溝深廣險

溧陽縣志

卷十六

雜類志 紀聞

十二

側雨黑之夜行人間有失足者隱見一方巾人來援之
起如是者數矣里人歲暮羣祀之乾隆五十年立碑題
曰古秀才之墓後儻有謝惠連薛稷爲文以祭而銘其
石者

夷堅志云洪輯居溧陽縣西寺事觀音甚敬幼子佛護
病痰喘醫不能治凡五晝夜不乳食證危甚呼醫杜生
診視之杜曰三歲兒抱病如此雖盧扁復生無如之何
矣輯但憂泣辦凶具而其母以嘗失孫愁悴尤切輯益
窘懼投哀請禱于觀音至中夜妻夢一婦人自後門入
告曰何不令服人參胡桃湯覺以語輯洒然悟曰是兒
必活此蓋大士垂教耳急取新羅參寸許胡桃肉一枚

不暇剝治煎湯灌兒一蜺殼許喘卽定再進遂得睡明日以湯浸去胡桃皮取淨肉入藥與服喘復作乃只如昨夕法治之信宿有瘳此藥不載於方書蓋人參定喘而帶皮胡桃則斂肺也

金陵志云廣法寺有別殿供觀音大士夙著靈異侍郎劉岑爲記故老云建炎中車駕渡江尙書郎吳若時爲頓遞所幹辦官兼營繕行宮欲亟成毀僧道之廬以給用旣拆門樓廊廡將及是殿大士慈相示變出舍利如汗珠斧之不碎縣宰及吳皆驚異殿遂獲存

舊縣志云陳相字洪山謹厚人也年四十家尙貧勤事生產遂積貲十數萬終老無子自邑之雲泉妙如報恩

溧陽縣志

卷十六

雜類志 紀聞

十三

以至禹門天臺寺院俱有施助歲饑邑四境及廣德宜興之民無不受其賑濟迄今各寺猶供養其神像焉
句容志云胡崇以進士授句容主簿制置使吳潛用爲閫幕委行經界法于溧陽不履畝而人無所欺焉
孟東野送淡公十二首中及短蓑射鴨是淡公嘗遊溧陽矣詩又云燕本冰雪骨越淡蓮花風五言雙寶刀聯響高飛鴻則淡公越人僧之能詩者又云數年伊雒同一旦江湖乖并遙憶吳僧山寺羨師獨攀鏡水分明歸心可見則是淡公曾與東野同在伊雒至是遊溧而東歸吳越作詩送之也

戴埴鼠璞云蕭楚材知溧陽縣時張乖崖作牧一日召

食見公几案有一絕云獨憾太平無一事江南閒殺老

尚書蕭改憾作幸字公出視藁曰誰改吾詩左右以蕭

對楚材曰公功高位重姦人側目之秋且天下一統公

獨憾太平何也公曰蕭一字之師也刊誤云楚材知溧

據者戴埴鼠璞耳而鼠璞又本陳輔之詩話余嘗疑立

言自趙氏西園詩云蜀中春艷世間疎比並陳園恐未

集遊趙氏西園詩云蜀中春艷世間疎比並陳園恐未

如數里花光浮暝日六街塵淨見香車翻空雅樂催歡

處入格新詩上板初方信承無一事淮陽閒殺老尚

書此詩律也非絕也詩中無獨幸字而云楚材改憾為

幸妄矣考宋史張詠傳咸平閒知州漢初州祥符三年

秋入朝疏論宋史張詠傳咸平閒知州漢初州祥符三年

詩固陳州作也溧陽隸昇不隸陳州則楚材之知溧陽

公詩而改之小說家紀錄之誤如楚材之知溧陽

亦荒唐不可信矣今案此詩作於陳州是律非絕辨致

明確然楚材以真宗世由殿中丞知溧陽三年具載景

定建康志無可疑也以前諸令任年約計之楚材知

溧陽亦尚及詠知昇州日但詠詩明說淮陽則必陳

州所作時楚材非其屬吏或者日後

曾有改詩之事鼠璞誤記於前耳

異聞總錄云錢聞禮字子立乾道中為溧陽主簿官舍

內時有所睹婢妾擾擾不甯訊於占筮云有伏尸在堂

側因掘地尺許果得髑髏并碎骨實諸匣候夜將付漏

澤園是日黃昏主園僧見一皂衣婦人自外入疑其盜

也遣童秉燭尋訪少頃簿廳人持骨匣至始悟適所見

蓋此鬼云

溧陽縣志

卷十六

雜類志 紀聞

閻史馬虛中送仇仁近之溧陽教授詩云我昔百里遊
轉覺山水好歸來桑梓間凝情向故老自從識君三十
春交淡如水情相親愛君長才凌鮑謝和光接物常同
人人生會晤真難據君又之官溧陽去溧陽地勝名士

多道在弦歌間適處春江漠漠春帆開柳花風起如塵埃只恐文星留不住玉堂金馬待君來待君來請看天上黃金臺

舊縣志云楊伯玉瑛登進士第求爲校官自桐廬教諭轉杭州府教授啟迪士類有知人之鑒時有役於公者年穉而秀楊異之除其役教育如己子後其人登第顯宦造廬致謝而楊已卒悲奠宿墓樹碑而去瑛子遜字以謙由貢生選福建莆田教諭陞江西豐城知縣秩滿歸隱篤志好學有伯玉之遺風焉

洪武初繆元辟秦府紀善懷家詩云親栽梓樹傍園牆試問年來幾許長早晚承恩歸故里觀書要坐綠陰涼

家園布種莫教荒祖業艱難不可忘我近希年思衣帛丁甯兒子好栽桑春和晝侍奉天門喜動龍顏笑語溫說與故鄉前馬里聖恩曾問芮耆孫蓋耆孫亦以薦辟知本州明祖下問及之具見留心長吏云

鶴徵錄云康熙十七年

詔舉博學鴻儒溧陽彭侍郎會淇時爲庶吉士舉有吳縣人昌平籍進士錢中諧授編修吳縣人長洲籍舉人雲南提

學參議范必英授檢討

伏讀上及科道官員在外督撫布按

各舉所知然其餘內外各官果有真知灼見者在內關送吏部在外開報督撫代爲題薦故會洪以庶常而得

薦士誠曠典也

雍正十一年

詔舉博學宏詞諸徵士先後北上至乾隆元年欽奉

上諭九月以前到京戶部尚書史貽直薦有金壇人行人司司副前翰林院修撰狀元于振授編修宜興舉人周欽則試而未用禮部尚書任蘭枝薦有無錫拔貢楊度汪除庶吉士山陰副貢胡天游則試而未用十四年大學士史貽直等復薦天游學問淹博

據鶴徵後錄

或有作蜚語者

貽直奏天游太剛太自愛蓋明其無所干請也

據袁枚撰哀詞

天游嘗館蘭枝家八月五日命以儕淮險韻賦庭前葡

萄刻燭二寸成四十韻一時傳誦

據隨園詩話

鶴徵後錄又云乾隆十四年大學士史貽直等復薦甯鄉人前岳州府教授宏博未用之王文清潛心經學預

溧陽縣志

卷十六

雜類志 紀聞

十六

修三禮授中書科中書

池北偶談云順治初始設漢尚書吏部陳名夏戶部謝啟光禮部李若琳兵部劉餘祐刑部黨崇雅工部張鳳翔都察院掌院事左都御史房可壯後惟陳黨二人拜相

金陵志注云呂宣問嘗謁當陽武安王廟祈夢尋母是夕夢一道人坐井上曰此琉璃井也有童子持一龜與之宣問悟曰道人臨井上仙井也龜者歸也遽遣迎致果得之云

明魯府長史王貞清標絕塵嘗以素紙糊一室偃息其中命曰楮巢王紱贈詩云林下蕭然人似鶴剡藤蒙密

作幽棲高眠可當梅花帳深掩難容燕子泥牕隙透明
雲影薄屋梁生白月痕低新詩不用裁成卷客到時教
就壁題又有獨秀山房圖通流莫不題咏據僅存集
池北偶談云郎中與司業較俸陞內院侍讀自張允欽
始內院詞臣與臺省一體年例外轉監司自宋之繩始
尋皆罷不行

宋周密齊東野語云李處全嘗論匠監韓玉凡三疏而
玉亦以處全請託私書爲言上旣重違臺論且以忌器
遂令玉補外旣而與祠玉伏闕訴匠簿張潛譖已上批
其鼓惑眾聽送潭州居住處全又嘗爲丁逢所論云

周必大乾道丁亥泛舟遊山錄八月壬子范至能自溧

陽至宜興癸丑以卮酒餞之北門是至能以乾道三年
八月遊溧也是月辛酉必大至溧陽登綠淨亭望湖山
視田疇劉季高二子淪治相訪顧綱獻筆季高甚賞其
藝數爲作詩帖

客座贅語云李遠菴學行重一時嘗授經溧陽史氏歲
俸八十金史憐先生貧私爲置子錢歲暮進之李但受
如約餘揮之弗顧後舉正德辛未進士官至副使歸老
後仍授經溧陽高淳間貧無以自給也

建康志載聖湯延祥温湯元序云金陵屬邑溧水溧陽
舊多蠱毒丞相韓滉之爲浙西觀察也欲更其俗欲絕
其源終不可得時有僧住竹林寺每絹一疋易藥一圓

遠近中蠱者多獲全濟值滉小女有惡疾浴於鎮之温湯卽愈乃盡捨女之妝奩造浮圖廟於湯之右謀名僧以葺寺事有以竹林市藥僧應之滉欣然迎置且求其藥方久之僧始獻於是其法流布仍刊石於二縣之市唐末喪亂石不復存而温湯之寺至今在焉鎮之大族夏氏世傳其法藥以温湯爲名誌其所自也原方五月初桃皮二錢生用蟹螯末一錢先以麥麩炒去翅足大戟末二錢生用右三味爲末以米泔淀爲圓如棗核形如中一切蠱毒食前用米泔下一圓修合時於淨室中切忌婦人孝子猫犬見崇甯間住持僧智淳得其方於府帥曾氏家

太平廣記云李大夫栖筠未達將赴選時揚州田山人頗有前知往問所得官答曰宣州溧陽尉李曰某朝列之內亦有親故所望一官實不止此良久曰勝則不可某亦未審將一書於楚州白鶴觀張尊師當知矣李往見張張甚古異問田子云何曰宣州溧陽尉張曰否魏州館陶主簿然已後甚貴聲華烜赫無介意於此也後到京授溧陽尉李大驚異以爲張道士之言不中數日敕破銓注改館陶主簿乃知田張相爲發明也後兩人皆不知所之

元楊維禎鐵崖集贈溧陽馬閑雲鍊師詩云閑雲隱者一區宅相直芝山半面開劔氣上天看北斗鶴人作語

過蓬萊樵柯石爛圍碁在梅洞雲深采藥回相約丹陽
尋祖武三花髻子市中來

舊縣志云陳太學邁母程氏隨都諫獻策在京邸都諫
方會議三案於內府薄暮未歸有婦稱鄰嫗求謁閤者
不能禁直入榻前泣告曰妾奉聖夫人客氏也待罪掖
庭歷有年所尚公何有於妾議者將及焉妾聞卿家大
人直聲奇節知夫人亦良苦敬以黃金百鎰爲夫人壽
願大人憐而赦之程謝曰夫人休矣妾以鄙陋之質雖
櫛不設釵裙不引帛猶自愧非分安用此黃金爲且大
廷國是向兒女子曉曉夫人謂殿陛中眞無一丈夫耶
聲色俱厲詰旦都諫言於朝遂逮客氏

溧陽縣志

卷十六

雜類志 紀聞

十九

舊縣志云賀靚君名潔六七歲時能屬文一夕納涼父
曰夜坐看螢飛靚君卽應曰曉眠聞燕語及笄歸庠生
史事理家之暇唯好吟咏著愁人集一卷如卽事曰細
雨燈前句斜陽花下卮曉霽曰掠蕊蜂鬚膩穿花蝶翅
香贈鄰媛曰紅豆調鸚鵡青綾繡鳳凰初夏曰團扇乍
拈題欲遍湘簾將捲倦還休秋晚曰遶徑寒蟲吟落葉
貼天征雁襯殘霞病中偶感曰金鈎斜掛鴛鴦帶鈿合
閒收翡翠冠世傳爲警句

孝子潘天成妻盛氏賢而能詩送夫子南還掃墓詩序
云辛未八月江風清勁鴻翔萬里之天山月明瑩桂吐
三秋之景余夫子掃墓瀨陽報親恩於罔極論文吳會

索知已於名流此真孝子之深情才人之壯志乃胸羅
萬卷囊之一錢氣欲凌雲家徒立壁既無以博交遊之
寵復不能忘內顧之憂欲行且止將往復留然而徒步
擔簷纔是通儒之行短衣提壘始成賢媛之名君誠有
鮑宣之高風妾亦勉少君之清操銷魂黯黯豈敢爲兒
女之悲贈別諄諄乃以助丈夫之氣爰成短引用當驪
歌雖不必如竇滔妻織錦之詞實欲效樂羊婦斷機之
意詩云蘆花江上雨初晴帆挂朝霞一片明含露柳枝
從北折凌風雁陣向南征遠傳故國書千帙淨掃先塋
酒一罌何日扁舟隨瀨渚蘋蘩采得潔粢盛十載蛟臺
慣苦辛爲無柔骨俗生嗔濟人金散翻招怨經世書多

溧陽縣志

卷十六

雜類志 紀聞

二十

轉受貧志欲沖霄成健翮才能破浪惜修鱗丈夫知己
應非偶切勿輕干顯要津

狄玗字玉川馬班書妻也少寡苦節能爲詩著有還珠
玉川諸集世無完本舊縣志載其有關邑故者三章今
仍錄之賦得溧陽酒樓三月春云流鶯百舌爭啼曉瀨
江三月春光好弔古尋今事已非夕陽到處眠芳草酒
樓昔日定何如花柳尋春應醉倒祇今春夜月還留照
盡人間興廢愁空有清暉堂下水不關人事自長流金
瀨弔古云三十春風與母依壺漿原爲浣紗攜自甘白
壁沈沙杳豈望黃金壓浪低木杓兜前花自落伍牙山
畔鳥空啼月寒華表人何處一片垂楊拂墓齊石屋山

尋歐冶舊蹟云古木蒼蒼碧水流猶傳名劍響千秋藏
將玉匣驚風雨化去神光射斗牛術點蛟龍留楚澤氣
吞泉石壓吳邱祇今歐冶歸何處十里春深杜宇愁
宋書符瑞志晉永和八年十二月白麀見丹陽永世
舊縣志云明嘉靖四十四年六月卯白燕于義城山庄
十道四蕃志云昔有吏丁於長塘湖中見一青衣少婦
初方懼俄沒波中化爲獺衣卽荷葉
舊縣志云吳王鱸餘魚卽今長塘湖之王餘魚也小者
寸餘曰銀魚大者尺許曰鮓魚一名鱸殘爲脯作鮫晶
潔可愛

夷堅志云溧陽豪民吳璋以財橫鄉曲非特外人畏之

溧陽縣志

卷十六

雜類志 紀聞

二十一

其家子弟亦甚嚴憚每坐堂上則無敢過其前必先穴
壁覘窺伺璋不在方敢入弟十九郎者因窺隙見金紫
人面堂立後有服朱綠數人少長儼列驚異之疾走入
門乃無所覩私竊自喜以爲家慶殊未艾旣而璋以不
法爲邑丞龔鋈所治至於竄流遠方弟亦連坐黥徙袁
州家資皆估籍劉侍郎岑買其居緣居室之故爲請袁
守免其弟歸因得服役門下適劉當歲除享祀偶于壁
隙窺之金朱綠袍恍然曩日所見者始以語人

帥志云奉安里繆姓者育女有色及笄未字忽有少年
自稱吳中巨姓避難寓溧求婚於繆且厚其聘資繆利
之許焉月餘設筵邀里閭獨遺一施姓人因銜之乃同

館師詣詢其故聳避不見施益疑焉因覩女面有妖氣叩其往來故道繆氏言每過大棟樹下輒隱不見樹去繆半里許施往覘之見老幹怪枝權奇可異心知其妖也命工鋸之隨鋸隨歿書符以魘應手而斷斲爲水車其妖遂息

留青曰札云嘉靖二年溧陽一富翁家忽失其賬簿尋至簷溜下大雨水中取而視之紙復不濕凡得利于前而名猶存者悉皆消除亦天理也

露書云萬厯初溧陽史秀才之傭居龍墩家有牝鷄能笑亦能作小兒語鷄窗之說爲有據矣

舊縣志云陳獻策未第時與族叔洵字闇儒者同受業於董寅谷先生門嘗宿常州烈帝廟各夢鬼卒嚴拿惡犯問之曰屠牛戶也驚悟相約有戒殺之舉獻策獲第立碑縣前禁殺耕牛自壬戌至甲申歲輸皮稅銀六十兩鼎革後此課始息

舊縣志云溧陽史氏女因蒔田倦偃息樹下見一物鱗角爪距可畏據之已而有娠生一鯉養盆中數日益長乃放之瀨江村人刈草斷其尾魚卽奮躍去風雨隨之入太湖而止女家漸富其後女卒每寒食魚輒至墓前云

鎮江府志云康熙壬子有神降於溧陽民家曰吾金壇葛子堅也今年旱蝗爲虐帝命我驅之我能使禾稼一

莖不傷民且信且疑蝗大至瀰漫林莽始大懼裂楮大書曰驅蝗葛公之神爭出鷄酒祀之蝗乃去葛名惟屏順治壬辰進士爲蘭陽令康熙丙午秋闈爲受卷官愛惜諸生試卷不肯輕貼爲監臨所詬詈憤恨自經死池北偶談云秀水張侍郎天植流塞外時一夕召乩仙至大書云我陳百史也今爲尙陽堡土地因謂諸公可召吾兒來時其子掖臣徙居尙陽家城外張謂城門下鑰請俟明日又書云渠今夕飲城內某家往偵之果然比至凡書數百言皆言家事及訓誡之語後在遼陽海甯相邸中亦往往見形與談笑如平生

舊縣志云康熙四十八年大水有二龍鬪于新昌風雨

溧陽縣志

卷十六

雜類志 紀聞

二十三

拔木振屋一牛繫大樹亦騰空而上浮行十餘里牛乃墮尙無恙

舊縣志云南鄉有宋姓者治圃爲業忽一日鋤韭畦叢草中得物如嬰兒掌當腕截斷鋤口尙有血痕宋駭異持歸以爲不祥家漸零替俗傳爲祟不知此物霏雪錄所云肉芝也食之延年洪武初山陰人曾掘得之宋以疑而不振亦當時無識者解之耳乾隆八年四月永東鄉史虎臣田內亦鋤得物如嬰兒掌人不敢取

宋書孝武帝紀車駕校獵于姑孰於行所訊溧陽永世

丹陽縣囚

案自此以下無類可敘故係之最後云

齊東野語云建康溧陽市民同日殺人皆繫獄獄具以

囚上府亦同日就道二囚時相與言監者不虞也夕宿
邸舍甲謂乙曰吾二人事已至此死固其分顧事適同
日計亦有可爲者我有老母貧不能自活君到府第稱
冤悉以誘我我當兼任之等死耳幸而脫君君家素温
爲我養母終其身則吾死爲不徒死矣乙欣然許之時
張定叟以尙書知府事號稱嚴明囚旣至皆呼使前問
之及乙則曰某實不殺人殺某人者亦甲也張駭異使
竟其說曰甲已殺某人卽逸去其家不知爲甲所殺也
平日與某有隙遂以聞於官已而甲又殺某人乃就捕
某非不自明官闇而吏昧故冤不得直也張以問甲甲
對如乙言立破械縱之一縣大驚甲旣論死官吏皆坐
失入抵罪而張竟不悟甚哉獄之難明也

夷堅志云淳熙十一年溧陽倉斗子坐盜官米黥配而
籍其家得草書二軸題云庚申歲書其名權花押正如
一劔之狀蓋鍾離翁也其詞云露滴紅蘭玉滿畦閑拖
象屐到峯西但令心似蓮花潔何必身將槁木齊古塹
細香紅樹老半峯殘雪白猿啼雖然不是桃花洞春至
桃花亦滿溪李粹伯跋之曰字畫放逸有翔龍舞鳳之
勢脫去尋常畦迳非得於心而應於手者不能爾飄然
神仙風度固有所本云眞本藏於建康府治軍資庫絹
素標飾處皆斷裂獨字畫不動庚申歲者豈非藝祖創
業建隆元年乎

西郊野叟庚溪詩話云紹興初余之官建康艤舟溧陽
郵亭見壁間題云十年棄微官歸來事却掉扁舟訪安
期要覓如瓜棗不知膏梁珍惡食詩自好田園苦無多
生理但草草濁酒時一樽孤斟從醉倒然不著名氏不
知何人所作觀其言淡而旨遠要非汨沒名利而不知
返者也

楊鐵崖送楊生歸溧陽詩云之子吾同姓相逢已道南
春衣凋白苾佳樹長黃柑雨淡潛龍寺天清漂女潭蒲
公讀書處白石有新菴楊生生平竟不可考

史仲彬致身錄云建文四年六月十三日未時大內火
起帝從鬼門遁去從者二十二人帝知金川失守乃與

溧陽縣志

卷十六

雜類志 紀聞

二十五

史仲彬等擬之浦江曰族忠孝可居夜分足痛難行微
明覓舟至仲彬家同載八人程濟葉希賢楊應能牛景
元馮灌宋和餘皆散走期以月終再晤取道溧陽依叔
松隱所不納八日始至吳江之黃溪奉師居所居之西

偏曰清遠軒時帝已薙髮故稱師云

案史松隱名敬武
譜載卒年六十使

其卽以建文四年卒上距至正十二年紅巾之亂敬武
年祇十一豈能身爲義兵長又有子舜安佐助耶不納

建文之
說誤矣

馬一龍游藝集一龍以司業請告家居倣古香山耆英
之義舉山林八節會以上元觀燈於城市以花朝賞花
於歸得園以上巳修楔於方丈山以端午觀競渡於盤
龍堰以七夕乞巧於獨秀山以中秋泛月於滄塘以重

九登高於玉女潭以長至踏雪于大浮山其主則太僕
史玉陽際歸德滄塘玉女之主也鍾少尹應宸陳光祿
爽楊北沙一鳳介之少參狄環溪斯彬城市主也主十
五夜彭鴻臚若思主十四彭序班若年主十六憲副馬
梅莊震章獨秀之主也呂別駕充介之鴻臚史鳳橋隆
爲大坏主孟河自爲方丈玉華二山主屆期或專主或
聯主或再三主因地與時惟其暢悅焉又有耆社之主
以孟冬朔爲鄉飲之日訪里中年七十以上共二十有
四人請各陳五十年前所記一事而自爲之跋

所陳各事見風

俗

湯顯祖送王小坏去溧陽詩云陽羨山光春氣流平陵

溧陽縣志

卷十六

雜類志 紀聞

二十六

東望曲壇幽卽知金碧明湖上細雨能開大小浮王爲
何許人竟不可考

張文石雲聲閣集云吳優傳略平陵人牛郎者姓吳氏
其巧笑捷給或過晉陵瞿玉而端重有度不如致牛于
晉陵或多黜牛致玉于平陵亦多黜玉然兩人可伯仲
不應主奴也而平陵人之不知玉當其耄又與晚近人
爲伍和不屬矣牛之習平陵而見稱固易也平陵李侯
寵牛時進之方嚴逋督牛于劇中譁曰事不平者三或
問云何曰卧中嚙人者躍蚤耳而或以撲蓐鱸掘田塍
不責鱸也乃故擊地里逋糧非眾戶逋耶而專較里頭
夫且撲非其任乎侯覺之深爲霽刑此殆賢于陞楯之

呼矣牛弟子楊忠似牛或曰過之此亦壯當其衰耳未必智巧加焉

鍾采字楚食嘗作蛙賦千三百餘言自爲之注凡引書三百餘種馬世俊題云昌黎序東野謂物不得其平則鳴楚食旣不得志欲以文鳴久矣學富而才敏爲古文詞筆不加點乃以牢騷悲憤之意託物寄詠輒成篇章痛正聲之微茫感羣言之喧雜此蛙賦所爲作也才如楚食當使賡雅頌揚休明卽不然或可賦三都二京稱一代盛事而乃援小文以見志賦草蟲以言愁耶雖然楚食於此有所感矣長沙賦鵬楚食賦蛙將無異代而同聲也哉

溧陽縣志

卷十六

雜類志 紀聞

二十七

舊縣志載邢昉過友人湖蕩田舍甃橋舟中別友二詩而不著此友名氏不知此詩皆投贈吳穎作也前一詩云五載隔君廬依依辨林木帆帶甃溪烟舟行石塘曲扣戶寂無人荆扉日日關髻山雨初暗長蕩水如環雨多林氣濕薄霽間清晝開扉指稻田伏几看禾秀聞君時抱犢旦夕爲饗殮舊穀幾時斷中男昨歲婚雖復少饘粥新詩每逾帙舒卷自悠悠孤雲澹無迹後一詩云欵欵園田留漠漠新秋夜夜露濕莎鷄流連語初罷解纜一揮手惆悵月明下岸迴林木重猶似見君舍少壯各飢寒殘年操耜稵塗田歲不登豈遂薄躬稼

疑辨

金陵志古賴國城在今溧水州界注云案實錄吳廢帝亮崩於侯官道上晉太康中故少府卿丹陽戴顯上表迎屍歸葬賴鄉春秋傳昭公四年楚伐吳秋七月圍朱方八月遂滅賴楚子欲遷許於賴使鬬韋龜與公子棄疾城之而還冬東國水不可以城彭生罷賴之師朱方卽今鎮江也陳國苦縣雖有賴鄉與朱方相去甚遠亦非東國有水之地其賴城豈非卽晉時賴鄉今之溧水乎故勝公廟記案勝或作滕謂楚靈王與吳戰吳軍不利遂陷瀨渚伍子胥投金處正名瀨水戰國策范環對楚懷王亦言楚乘越亂南察瀨湖而野江東合前後觀之賴之爲溧水甚明吳音訛瀨爲溧自漢以來遂名溧水而

溧陽縣志

卷十六

雜類志 疑辨

二十八

古蹟間有存者其苦縣賴鄉或楚滅賴之後徙其人於彼未可知耳景定以前圖經失不詳考戚氏志始畧言之今存此城以俟博古者稽焉案上所論以春秋賴國卽今江甯之溧水其說非也左傳桓公六年楚武王侵隨杜注云隨國今義陽隨縣十三年注云賴國在義陽隨縣是賴隨二國當時近在百里而鬬伯比以隨爲漢東大國然則昭公四年傳所云東國水不可以城彭生罷賴之師者正以賴國亦在漢東因水罷役非謂江東之國也經傳俱稱楚子伐吳遂滅賴謂伐吳之後反而遂滅漢東之賴又不得拘泥遂字以爲賴在吳中也漢東賴國乃漢書地理志南陽郡隨縣卽今湖北之隨州

地有厲鄉漢志注云故厲國也師古曰厲讀曰賴古今輿地山水名同實異者多矣隨州亦有溧水流入澗又可引作江南之溧水平漢志淮陽國苦縣注云莽曰賴陵師古引晉太康地記城東有賴鄉祠老子所生地後漢書桓帝紀注謂苦縣故城在今亳州谷陽縣此又別一賴鄉要之與今溧水溧陽二縣無涉也

建康志考證引勝公廟記云固城吳時瀨渚縣也楚靈王與吳戰吳軍不利遂陷此城吳乃移瀨渚於溧陽南十里改爲陵平縣平王立使蘇廼爲將戰於吳吳軍敗收吳陵平縣改爲平陵縣自平王聽費無極佞言伍員奔吳闔閭用爲將舉軍破楚固城宮殿逾月煙焰不滅

溧陽縣志

卷十六

雜類志 疑辨

二十九

其城遂廢嗣後縣志並沿其說而譌繆滋多案志云溧陽縣秦所置也其先曰瀨渚曰固城名異而地同春秋前勾吳封內邑此仍用廟記之說但瀨渚既是縣名又有吳楚戰事豈得周秦兩漢之書都不一見獨見勝公廟記耶且吳越春秋越絕書記子胥乞食事已稱溧陽則非秦始置又二書並無瀨渚陵平平陵諸名目雖書係漢人所撰其不以漢縣追改春秋亦明矣志又云周景王五年楚靈王攻陷之注云春秋昭公十三年也案史記三代世表周景王五年乃魯昭公之二年非十三也且是年無楚人攻吳固城事據左傳昭公十三年楚鬬氏之族作亂圍固城克息舟城而居之乃周景王之

十六年而非五年且固城息舟皆楚地非吳地杜注云
息舟楚邑城之堅固者說頗未安顧炎武杜解補正案
語謂傳書克邑未有書克某邑之城者固城息舟皆二
字地名城而居之別爲一句其說致覈要之時楚靈王
出狩未返諸亂人稱兵意在乘虛入郢故於圍克兩地
之後觀從蔓成然等卽挾公子棄疾入楚豈其舉事之
初反舍楚而攻吳又深入吳境直至今溧水之固城耶
然則左傳固城必非今溧水而左傳之外亦別無楚人
攻吳固城事作者殆誤據昭公十三年圍固城之文而
忘其爲楚地耳或曰左傳固城信屬楚地矣至於溧水
之固城如果楚師未嘗一到何以亦有楚人古蹟耶案

寰宇記固城有楚平王祠周必大南歸錄云晚步固城
上父老謂之楚王城又溧陽舊志固城有楚公子墓不
知何人以上所稱豈得謂爲虛妄蓋楚之伐吳如襄公
三年克鳩茲卽今蕪湖也昭公四年圍朱方卽今丹徒
也哀公十五年及桐汭卽今廣德也皆深入吳境今謂
靈平二王俱嘗攻陷吳邑理尙可信安知非楚人滅越
以後盡有吳地追念先王用武之處因而立廟耶要不
得以溧水固城卽指爲昭公十三年楚遠氏所圍之固
城也志又云吳乃南徙平陵山下曰陵平楚平王時蘇
迺爲將復取之改爲平陵案此亦用廟記而文有所增
記但云吳乃移瀨渚於溧陽南十里不言平陵山下志

以陵平平陵之縣當因山得名故增之耳夫漢晉以來
溧陽治在固城其南十里無所謂平陵山也然則廟記
所云溧陽縣南十里之陵平平陵謂唐治之南知此記
必唐人作矣據笠澤叢書古平陵城正在唐治南十三
里許記言十里未爲巨繆但史志絕無所謂陵平其永
世之析置平陵乃晉惠帝永興元年事春秋甯有此耶
試更極論之圖經載平陵於溧陽載固城於溧水本自
不繆而乾道志非之已爲戚志所駁但戚氏謂平陵有
二其一晉平陵卽永世城其一則在唐溧陽南十里吳
所置也則又大誤蓋晉之平陵卽唐治南十餘里之平
陵而永世城卽今治南十五里之古縣柰何妄爲離合

乎且其所謂吳置者意蓋指春秋之吳而不知春秋時
實無平陵如指孫吳則彼時亦但有永平無平陵也至
景定建康志咸淳溧水志並言固城亦名平陵亦誤之
甚者志又云吳越春秋謂平王都固城或是時建離宮
於此爾案寰宇記亦稱吳越春秋有此語今考無之且
楚自熊繹始封居丹陽其地或言枝江或言巴東或言
秣歸要皆非兩漢以後丹陽郡地屬吳會者其後則文
王徙都郢故城在江陵縣北五十里平王又城郢故城
在江陵縣東北六里昭王徙都都故城在樂鄉縣東北
三十三里並見括地志又其後襄王保陳考烈王徙壽
春懷王孫心都盱台又徙郴縣是楚國始終無都固城

者即使傳聞有之亦必近在楚境豈能深入仇地而晏然建都耶作者亦自覺其言之無理故遷就爲離宮之說不知吳故未滅卧榻之下豈容楚仇來建離宮而楚亦詎能時巡至此必須宮殿夙具鐘簴不移耶志又云敬王十四年伍員以吳兵破楚燒固城宮殿此亦用廟記之說案是年爲魯定公四年左傳史記但載員以吳兵入郢無燒楚固城事即使傳聞有之亦卽遠氏所圍之楚地非今溧水也志又云瀨渚平陵仍屬吳元王三年越滅吳地屬越顯王三十五年楚熊商敗越盡取吳地案春秋時本無瀨渚平陵縣且此是勾吳腹地楚雖襲而取之安能久據據志固城卽瀨渚以周景王五年

爲楚靈所陷直至周敬王十四年吳始克復中間爲楚據者三十九年之久有是理乎卽平陵之改或在楚平末年而下距周敬王十四年吳人克復亦已十餘年之久均之不可信也然則兩地本屬吳何仍之有哉又越勾踐滅吳乃周元王之四年非三也楚威王滅越乃周顯王之三十六年非三十五也志又云秦始皇二十六年滅楚始置縣曰溧陽案始皇二十四年滅楚二十七年改天下爲郡縣俱非二十六又溧陽周縣亦非秦始皇置也

舊縣志又云漢元封元年割溧陽之東爲永平縣建武元年改永平爲永安三國吳寶鼎元年以永安隸吳興

郡晉太康元年改永安爲永世永嘉四年分置平陵永世隸義興郡劉宋永初元年仍置溧陽永世隸丹陽元嘉九年并永世入溧陽自後平陵永世諸名不復置矣隋開皇十一年割溧陽之西爲溧水隸宣州十八年廢溧陽併入溧水隸蔣州今案以上所記考之正史無一合者宋書州郡志孫吳省溧陽爲屯田析置永平非漢元封也後漢書郡國補志注興平二年太守許貢奏分烏程爲永安沈約宋書自序靈帝初平五年分烏程餘杭爲永安誤也初平祇有四年且是獻帝非靈帝也州郡志謂孫吳所分亦誤裴松之三國注引吳錄曰永安今武康然則永安非溧陽亦非漢建武所置惟宋潘自牧記纂淵海言永平後改永安作者殆因此致誤又金陵志

溧陽縣志

卷十六

雜類志 疑辨

三十三

溧陽允定鄉唐曰永安亦或誤由於此耳至晉太康之永世卽永平所改而非永安宋書州郡志可考永世之析置平陵乃永興元年而非永嘉晉書地理志可考溧陽復設在西晉非劉宋永初又元嘉以平陵併入永世溧陽二縣非以永世併入溧陽一縣亦並見宋志平陵併省以後史不復見而永世溧陽則具載南齊州郡志謂永世亦不復置者非也據隋書地理志開皇十八年改溧陽爲溧水屬丹陽郡十一年未嘗割置溧水十八年又未嘗以溧水屬蔣州也前後漢志丹陽郡有丹陽縣郡治在今宣城縣治卽今當塗之丹陽鎮也郡縣字俱作陽晉志郡作陽縣作楊

注云山多赤柳疑爲臆說蓋晉之丹楊縣卽漢之丹陽縣當時傳寫字誤耳宋志直作丹楊尹並非 又案漢丹陽縣旣卽晉以後之當塗元和郡縣志當塗縣東南七十九里有丹陽湖卽郭璞江賦之丹湖注稱在丹陽者也水北曰陽疑丹陽之名縣因在丹湖之北耳然漢之丹陽郡卽今甯國府在丹湖南而亦以名郡者殆置縣在先其後因以名郡與

宋書州郡志永世令下云吳分溧陽爲永平縣晉武帝太康元年更名惠帝世度屬義興尋復舊義興又有平陵縣董覽吳地誌云晉分永世太康永甯地誌並無疑是江左立文帝元嘉九年以併永世溧陽二縣據此則

似晉室渡江之後始析永世置平陵西晉未嘗析置也然據晉書地理志惠帝永興元年分永世置平陵事在太康永甯之後故地誌無之從晉書爲是

宋史葉適傳適度沿江地創三大堡石跋則屏蔽采石定山則屏蔽靖安瓜步則屏蔽東陽下蜀則西護溧陽東連儀真緩急應援首尾聯絡云云案句容縣北七十五里爲下蜀北一百三十里爲儀真而溧陽則在句容之東南一百四十里適傳所云西護東連俱誤也

舊縣志汎采歷朝史志揚州吳越丹陽郡斗牛星紀分野之說著於篇猶未指某星專屬溧陽也閻史始以北斗第三星專屬瀨水備聞又主北斗第一度案古以北

斗七星并二陰星分野者星經云一徐二益三冀四荆
五兗六揚七豫八幽九并以北斗七星分野者春秋緯
文耀鉤云雍屬魁冀屬樞兗青屬機徐揚屬權荆屬衡
梁屬開陽豫屬搖光晉書天文志或說云一秦二楚三
梁四吳五燕六趙七齊是吳揚全境古無上應北斗第
三星及第一度之說況於州國之中溧陽一邑乎且分
野之說雖古本非實測周官保章氏以星土辨九州之
地所封封域皆有分星鄭注云大界則曰九州州中諸
國中之封域於星亦有分焉夫周之封國始亦無過百
里略如後世一縣然以實測求之則卽恒星天之一度
其大於地球已莫能數計況於州郡國邑之微何由更

應星度且星土相應不離經緯謂定以經度與恒星日
一周天必不能對此地者常爲此星也謂定以緯度與
直隸在赤道北約四十度而天官書尾箕乃屬幽江南
在赤道北約三十二度餘而天官書牛女乃屬揚其他
州所配亦多不合凡皆一舉目而得之者班志以十二
次配十二野魏太史陳卓又定郡國宿度晉志兼取之
容齋三筆謂爲繆亂然其所辨者不過衛在兗冀而屬
并州又并州下誤列涼州屬郡魏分晉地而屬益州又
雍州下誤列幽并屬郡是但知州郡國邑之譌而尙未
深究夫大小經緯之未由相應也若葉文康禮經會元
論康成說經五失其一謂周禮無分野之明文而注有

歲之所在我周分野之說後儒是以有分野之惑此國語之失不知周官星土卽是分野明文但事非實測考古家亦姑存舊說可矣

後漢書郡國補志豫章郡建城注引豫章記曰縣有葛鄉有石炭二頃可燃以爨溧陽徐志結都山下注引作漢書地理志豫章出石可燃爲薪誤也又引漢武時昆明池劫灰謂是煤之疏散者不知彼乃扶輿朽壤非煤屬也又引陸士龍貽兄石墨亦與石煤種別詳見結都山下

舊縣志以縣南六十里之松山李白改題曰五松因并載其絕句我愛銅官樂千年未擬還要須迴舞袖拂盡

溧陽縣志

卷十六

雜類志 疑辨

三十六

五松山案白集五松山詩凡六見其三俱有南陵字其一答杜秀才中有千峯夾水向秋浦之語亦在南陵無疑其一卽前絕句題爲銅官山醉後此當是銅陵縣之銅官縣本梁之南陵則絕句之五松亦在南陵矣其一宿五松山下荀媪家雖中無確據要非兩地可知舊志殆因溧陽有松山又有銅官嶺與白詩頗合故致此誤耳

元和郡縣志當塗縣有博望山在縣西三十五里與和州對岸江西岸曰梁山在溧陽縣南七十里案溧陽當作歷陽唐和州屬縣也諸本並譌作溧陽恐誤讀者故附及之

宋趙桌菱山題壁見徐志及趙譜野志作趙淮據徐洗
舊題摹得長沙趙桌四字則從桌爲確然野志明云字
徑四寸許筆法甚似晦翁原書晦
誤作梅則彼時題壁無恙何
以誤作淮字耶

馬一龍遊菱山題壁有自李白至今千載汨沒塵土之
語案白遊溧陽未嘗有菱山之作豈馬意只大槩言之
謂詩人一去此山不得見稱於世耶後人乃援爲此山
故實殆誤矣

舊縣志高貴山泉水山板山石山旣云俱在西南四十
五里而又云近建平界案溧陽縣治距建平界至近亦
六七十里志誤也

溧陽縣志

卷十六

雜類志 疑辨

三十七

溧陽西南有子明挂魚墩舊縣志云子明姓竇得道涇
縣陵陽山溧陽舊隸宣州壤地相近或嘗垂釣於此今
案神仙傳竇子明爲陵陽令三年避劉聰亂棄官結廬
棲真山後仙去山在旌德而太平石埭陵陽山北界涇
縣亦有子明遺蹟故舊志云然夫漫遊所至甯拘同郡
且晉世溧陽屬丹陽不屬宣州謂地近宣州則可謂以
同郡而地近則不可耳
太平清話云人知溧陽投金瀨爲子胥浣紗女而不知
孟郊爲溧陽縣尉亦有投金瀨案溧陽只一子胥投金
瀨在唐治南五里郊往故平陵城吟眺路必經此非有
二也惟儀徵縣志白沙馮氏浣紗女亦子胥奔吳時遇

之後有追者囑勿言女遂赴水死子胥滅楚還留雞祀之略與溧陽史女事同但馮以示信死史以執禮死馮以留雞報史以投金報致爲異耳二女守信與禮其貞則同符觀史女碑是此而非彼甚無謂也

孟郊射鴨詩原有二首且是送淡公十二首之二舊縣志止載一首而改題曰射鴨堂非也

李白猛虎行舊縣志截去前段只留溧陽酒樓三月春以下又改題曰溧陽酒樓歌並非

李白北湖亭莫知其處故新志古蹟門亦無注今以詩語詳之首云朝遊北湖亭遙望瓦屋山後云聞有貞義女振窮溧水灣復云高墳五六墩萃兀棲猛虎遺蹟翳

溧陽縣志

卷十六

雜類志 疑辨

三十八

九泉芳名動千古則是亭中可見貞女之墳而遙望瓦屋當在投金瀨左近矣其稱北湖者或當日黃山湖竟與南渡蕩爲一或南渡亦以湖名卽國策所謂瀨湖者均未可定而要之投金之瀨貞女之墳正在湖蕩以北也

溧陽舊志碑碣門有唐劉驩撰潘城寺碑中和三年立案語云輿地碑目潘城寺碑在溧陽西十九里又高淳志漢明帝時有僧構室誦經名潘城道場唐中和間建寺是時舊縣密邇溧水潘城尙隸溧陽今始屬高淳更名淨行寺詢以潘城不復識矣今案漢縣固但有溧陽無溧水然明帝時潘城道場之說不見他書卽使有之

時亦未嘗立碑碑立於唐僖宗之中和三年地久屬溧水安得以碑屬溧陽乎宋景定建康志碑不注所在方輿紀勝則云在溧水縣西九十里元至正金陵志則云在溧水淨行院又云淨行寺在溧水州西南九十里其不屬溧陽亦久矣舊縣志乃以溧水縣西九十里改爲溧陽西十九里且唐之溧陽縣治雖卽今之舊縣而迤西十九里又豈能遽入高淳境乎

方輿紀勝既有溧陽長潘元卓碑又別出後漢光和四年校官碑非是

報恩寺井唐元和六年零陵寺僧澄觀於石欄刻字今尙可辨俗呼秦公井者或宋秦梓及焮嘗施功德於寺

溧陽縣志

卷十六

雜類志 疑辨

三十九

中而世俗漫稱之若以爲開自宋時則誤矣又案金陵志注零陵寺臨街石井亦元和六年刻字卽今西寺也今山門外有古井一口麻沙石欄正與報恩寺石欄同而形樵殊小僧云別有斷石欄其上刻字久已失去未知卽元和所造否不可考矣

建康志引雙女墳記曰有鷄林人崔致遠者唐乾符中補溧水尉嘗憩於招賢館前有冢號曰雙女墳詢其事迹莫有知者因爲詩以弔之是夜感二女至稱謝曰兒本宣城郡開化縣馬陽鄉張氏二女少親筆硯長負才情不意爲父母匹于鹽商小豎以此憤恚而終天寶六年同葬於此宴語至曉而別錢簡栖桐薪志誤謂墳在

溧陽縣南亦稱爲馬陽張氏女舊縣志遂收之不知溧陽無馬陽鄉而溧水縣南九十里有古開化城疑卽墳記所稱開化縣也然寰宇記以爲溧水舊縣則開化城又非開化縣而唐書地理志宣城郡領縣八中無開化記者殆亦有誤矣小說本不足究詰因其畧涉沿革故辨之

仇遠金淵集有與子野過永仙觀循西城以歸邂逅李戒甫夕山西爽詩料滿日子野明發詩來次韻詩又有永仙觀賞桂劉君佐黃景巖治酒詩以歸循西城之語詳之似係近郭處所非縣治西北四十里之永仙觀當俟再考

溧陽縣志

卷十六

雜類志 疑辨

四十

明史紀事本末太祖諸軍攻集慶失利張天祐郭元帥戰死陳埜先來追襲經葛仙鄉鄉民兵百戶盧德茂謀殺之遣壯士五十人衣青出迎埜先不虞其圖已與十餘騎先行青衣兵自後攢槊刺殺之據此則事在句容與溧陽無涉備聞以爲溧陽故新志兵事收之當俟再考

野志徐吳志官師題名唐有都尉高勳是據蔣日用城隍記案記云河南清貴代有其人都尉高勳克紹前烈乃是四句一聯以贊美上文三尉及一員外尉者高勳非名氏都尉亦非溧陽官職也

舊縣志縣尉題名唐天寶有李濟復有李濟充新志亦

姑仍之而略案數語以俟再考由今考之李濟充卽李濟可無疑也蓋李白詩題云登黃山凌歊臺送族弟溧陽尉濟充泛舟赴華陰謂李濟時充泛舟之役赴關中卽詩所云漕引救關輔也正與杜甫集送韋評事充同谷郡防禦判官充字義同

野志載李白春日獨坐寄鄭明府詩是河南寄懷之作然未見其爲溧陽令鄭晏也又載白遊水西簡鄭明府詩此水西則明在涇縣非溧陽水西村而此鄭明府又當爲涇令亦非晏也

景定建康志宋慶歷七年溧陽知縣杜千能題名記有云自開寶李氏歸朝以後距于今爲邑者蓋二十八焉

溧陽縣志

卷十六

雜類志 疑辨

四十一

謂江南李氏歸服宋朝以後溧陽始屬宋地至杜時得邑宰二十八人宋板於朝字空一格文義極明乃溧陽明志誤以李歸朝爲知縣姓名開寶間任徐志已刊正之特未據建康志耳

瀨水備聞據宋史楊大異傳謂大異曾通判溧陽攝州事案宋代溧陽非州亦不得有通判宋史溧字有誤野志續編則云大異以通判攝溧陽又與史不合

又案寫書傳譌

每致傳會建康志陶侃字士行本鄱陽人吳平徙家廬江之潯陽是據晉書本傳而金陵志乃云本溧陽人雖係寫刻之譌恐誤來學故附辨之

景定建康志云潘温之字温甫溧陽人好學王荆公稱爲江東書櫃子登第終絳縣令子字當絕句舊縣志宋

進士潘溫之之下俱云子絳亦登第爲令似讀景定志者誤於櫃字絕句而復強移絳縣之絳作爲人名既舊志及通志有之今選舉志姑亦仍舊而附辨於此

宋登科錄存者有二紹興十八年戊辰王佐榜朱子在五甲九十名寶祐四年丙辰文天祥榜二甲第一爲謝枋得第十七爲陸秀夫溧陽舊志誤以寶祐四年爲庚戌新志選舉已正之矣然據宋史秀夫以景定元年登第史文誤耳

明張朝瑞貢舉考洪武十七年甲子應天府解元齊德既注溧水縣而乙丑會試三甲進士齊德下云更名泰直隸溧陽縣此寫刻誤也明史齊泰傳亦云溧水人初

溧陽縣志

卷十六

雜類志 疑辨

四十二

名德實非溧陽人恐滋傳會故辨之

徐吳志云實錄有仲昌字顯夫溧陽人永樂甲申進士官至南京太僕寺卿舊志逸似亦徙籍者今案永樂甲申曾榮榜二甲進士仲昌直隸沐陽縣人非溧陽實錄誤也徐吳又云南省志載周順溧陽人成化間南京工科給事中又邑人袁正詩文散見志書譜牒俱注主事而莫考其科名履歷今案部科各官多出科目果係邑人不應失載須俟詳考

明史雷縉祚傳崇禎十三年帝思破格用人而考選止及進士特命舉人貢生就試教職者悉用爲部寺司屬推官知縣凡二百六十三人號爲庚辰特用時溧陽特

用者有舉人彭敦歷歲貢陸禹思俱授主事又舉人史其文授知縣以明史詳之皆以舉貢而與進士一體錄用非直賜進士也

瀨水備聞云崇禎癸未科三鼎甲皆溧陽人有部文起三及第坊因甲申國變而止案齊東野語備載宋熙甯淳熙紹熙寶慶紹定淳祐歷朝所有省元狀元同科而又同郡者凡十四人當時以爲盛事若同縣同科得三鼎甲尤屬事之偶然然考前明進士錄廷鑑武進人而備聞言之鑿鑿豈原籍溧陽耶

魏敏果公象樞年譜順治己丑會試分校得士成性等誤以性爲江南溧陽人案進士題名錄性和州人州乃

溧陽縣志

卷十六

雜類志 疑辨

四十三

古之歷陽歷溧聲近寫刻誤也

郡縣舊志漢元帝以溧陽爲梁敬王子劉欽侯國案漢書王子侯表溧陽侯欽以元帝建昭元年正月封其下大書一沛字則其爲沛郡之溧陽明甚地理志沛郡丹陽郡俱有溧陽縣人自不考耳蓋溧水之北即可名溧陽今隨州亦有水名溧足見溧之爲水不定屬丹陽矣又案舊志欽裔名槩者宋時始寓居溧陽則欽封之不在於此卽是可見蓋沛郡溧陽侯之裔不妨遷居丹陽郡之溧陽非謂槩非欽裔也

金陵志赤鄒廟注以漢史崇爲城樂鄉侯案建康志溧陽有成樂鄉後改永成復析爲永東永西作城樂者誤

也崇蓋始封鄉侯繼封縣侯故晉史援司空廟碑云初食三千卒封萬戶而建康志亦但稱爲溧陽侯並無鄉字人見其子孫世居成樂鄉或遂據其始封言之耳

舊縣志吳朱然孫謙陳錢道戢舊志戢誤作義俱封永安侯案

永安卽武康非溧陽也已見上文沿革辨

瀨水備聞據晉書太康八年平陵男郭奕卒太常上諡爲景意以奕封在永世所分之平陵但考奕傳武帝踐祚初建東宮以奕及鄭默並爲中庶子遷右衛率驍騎將軍封平陵男事在西晉之初下距惠帝永興元年析置平陵約四十餘載是奕時江左未有平陵縣其所封當係關中平陵不可不辨

溧陽縣志

卷十六

雜類志 疑辨

四十四

晉王隱賜爵平陵鄉侯是時析永世置平陵縣非鄉也但縣本以平陵山得名故人物志疑當時近山一帶或有平陵鄉吳縣孫上舍延謂古所稱某鄉某亭侯皆標以本鄉亭名不標以本縣名如前漢書何武傳武封汜鄉侯在琅琊不其後更以南陽犍之博望鄉爲侯國然則汜乃不其縣之鄉博望乃犍縣之鄉辨致明確因考後漢書桓帝紀延熹二年七亭侯注尹勲宜陽都鄉霍謂紀注誤作霍謂今據本傳改鄴都亭張敬山陽西鄉歐陽參修武仁亭李璋宜陽金門虞放宛句呂都亭周永下邳高遷鄉皆於縣下著有鄉亭之名又三國志關某封漢壽亭侯案後漢書郡國補志廣漢郡有葭萌縣蜀漢改爲漢

壽縣而關之受封在未改以前然則漢壽亭侯者乃葭
萌縣之漢壽亭非謂漢壽縣之亭也先主封宜城亭侯
宜城雖係南郡縣名安知不更有宜城亭乎此類良不
可悉數王隱之平陵鄉侯蓋當時平陵縣更有平陵鄉
耳
舊志仕宦魏良臣宋高宗朝參知政事見宋史宰輔表
據周必大紹興辛巳親征錄是金陵人金陵志則以爲
溧水崇教鄉南塘人溧水乃金陵屬縣非有誤也江南
通志良臣宦績傳亦稱溧水人而進士題名注宣城此
則有誤溧陽舊志收入之豈良臣之後有徙居溧陽者
因并錄其先祖耶

溧陽縣志

卷十六

雜類志 疑辨

四十五

建康志備敘王端朝生平歷官後寓溧陽未嘗來知縣
事也舊縣志公署有風月堂謂是知縣王端朝建張孝
祥記刊誤據于湖集辨爲寓公劉岑所建當矣但端朝
并未宰溧陽署中風月堂實不知建自何人舊志謂後
人復建樓於其地尋亦廢宏治間知縣符觀於堂址掘
得白鏹一甕易粟以賑窮乏則固實有此堂特無從詳
考耳范石湖又有風月堂詩爲洪州倅章某作天下事
名同者多矣

補遺

趙桌馬一龍菱山題石舊縣志已載又有玉屏山人題
句云菱山林木幽菱池清見底我來拜石丈白日風雲

起寫景意足特補錄之

渡濟橋有史貞女祠明湯北京記誤指爲貞女沉淵之處且語多不檢故今志祠橋下未載此文而節補於此記畧云余家荆溪瀨江是其上流少時讀伍子胥傳見瀨上女子殞身野水殉所不夙識之人凜凜猶有生氣丙午冬奉諱東歸揚舲渡濟橋下有梁虹垂有宮翬飛褰裳不涉輿誦載涂曰惟我徐侯利涉斯土而孰知斯誦之淺於知徐侯也徐侯風規澄邁義槩肅上趨賢急仁耻同俗吏好古教化計先風俗作斯梁於斯地若曰彼都人士浸假而渡載瞻祠宇慨念前烈俗易風移彼梁之濟不過徒杠輿梁利民之一事耳今國是靡適舉

世滔滔旦莫登徐侯於津要且爲濟川之楫迴瀾之柱宏濟時艱一邑云乎哉千載後覩斯梁者知徐侯高誼相國比烈瀨江餘潤波及鄰壤矣樂爲之記
渡濟橋有文昌閣王錫琯記所論邑中水勢東來西去等語全誤且文義亦多不檢是以今志閣下未載但其
中頗具勝事故節而補之於此記畧云辛亥六月余初
泣溧陽維舟渡濟橋下見文閣三層矗立河涘詢之士
人知爲舊令晉江徐侍御所建升高望遠下瞰阡陌距
縣治不十里城上有閣對峙亦邑人所以祀文昌者也
橋畔之閣歲久傾仄幾不可支過者嘆焉及抵任而邑
紳士咸以修閣請且諗於余曰閣之始建實以形家言

蓋邑中水之來脉自銀林而定埠而河口而南渡而縣治結焉於是城上議以文昌閣砥之所謂巽維之勢也水之去路自下橋而夏林闡而戈旗垣而渡濟橋截焉於是橋上又議以文昌閣砥之所謂控扼之形也余聞其言而蹶然以興又慨然以思在昔丙午秋高閣甫建侍御於其上舉賓興之讌集諸生而詔以文章自時厥後科目飈發以至今日說者皆以爲發祥於此閣予既得其興造之詳則將蘄所以久之俾勿壞而永爲是邑之所賴於是翼欄之欹側者累址之傾侈者塗墍垣墉之罅坼者凡所爲有資於官有賦於民庀材鳩工事事盡心焉而又檄邑尉陳必達襄其役事年週告成癸丑

重九日橋下鉅族周姓耆壽秀茂治具祠內以落之要余同年生吳繭雪費古心狄陶隣諸公追陪閣上雖風急難久坐弗計也念曩昔之風烈覩今茲之偉觀余故樂志其盛且使後之令斯邑者過而考焉

驅蝗神廟世稱劉猛將軍廟舊志未詳韓門綴學云近代劉猛將軍之祀不知其所自來康熙二十五年湯文正公由江甯巡撫擢大宗伯瀕行疏毀吳下五通五顯劉猛將軍五方賢聖等淫祠勒石上方山且通行直省矣至康熙五十八年直隸總督李維均爲守道時復祀之自云五十九年扶乩虔請降靈至雍正二年以其事上聞降靈之言曰元指揮吳川劉承忠其言荒誕無徵

不足置辨今直隸郡縣之志多有全錄其碑文者或以爲宋紹興中進士金壇劉宰仕爲浙東倉司幹官歸隱三十年諡文清按劉宰乃宋史有傳者傳云字平國紹興元年進士江陵尉調眞州司法授泰興令爲浙東倉司幹官告歸後屢召授官改秩訖不起有漫堂文集語錄生平多惠政然無捕蝗之事亦無文清之諡且作尉時息巫風禁妖術居鄉白於有司毀淫祠八十四所史但稱其飄然遠引鴻飛冥冥而已近見山東博平令秀水朱坤中黃著靈泉筆記引怡菴雜錄云宋景定四年封故提舉江州太平興國宮淮南江東浙西制置使劉錡爲揚威侯天贊猛將有敕書云飛蝗犯境漸食嘉

溧陽縣志

卷十六

雜類志 補遺

四十八

禾賴爾神力掃蕩無餘又姑蘇志以爲武穆之弟名銳

者

武錡諡穆

吾鄉丙子孝廉盛百二秦川考核頗詳按此較

前兩說爲有所本而宋史不載惜未得一見而問之也溧陽俗重祠山其說與宋吳曾能改齋漫錄頗合案漫錄云廣德軍祠山廣德王名渤姓張本前漢吳興郡烏程縣橫山人始于本郡長興縣顯靈鄉發迹役陰兵導通流欲抵廣德縣故東自長興荆溪疏鑿河瀆先時王與夫人李氏密議爲期每餉至鳴鼓三聲而王卽自至不令夫人至開河之所厥後因夫人遺殮於鼓乃爲烏啄王以爲鳴鼓而餉至洎王詣餉所乃知爲烏所誤遂巡夫人至鳴其鼓王反以爲前所誤而不至夫人遂至

開河之所見王爲大豬驅役陰兵開鑿河瀆王見夫人
變形未及從此恥之遂不與夫人相見河瀆之功遂息
遯於廣德縣四五里案四字疑當作西橫山之頂居民祠之立
廟於山西南隅夫人李氏亦至縣東二里而化時人亦
立其廟由是歷漢唐五代以至本朝水旱災沴禱之無
不應郡人以王故呼豬曰烏羊

歌岐袁府君廟以作土地神案廟本起於宜興彼志云
祀漢陽羨令袁玘宋皇祐三年禱雨有應政和初賜額
果利紹興九年封嘉惠侯明洪武初詔去舊號題木主
曰漢陽羨長袁公之神正統間仍塑像崇祀

舊縣志有錢自期重至廣明菴贈雲弁上人詩云二十

溧陽縣志

卷十六

雜類志 補遺

四十九

年前曾此遊雲山腳底一時周而今倚杖閒雙屐怪得
禪師雪滿頭又鍾龍期憩雲菴詩曲磴疎篁一徑開數
聲清磬出香臺林間亂石從高下山外浮雲自去來古
澗細流魚不擾小桃初艷鳥相猜春深地僻無車馬寂
寂禪關鎖綠苔縣志並無此菴故補錄於此

盤白山泰虛觀萬歷藏經久失惟朱書聖旨木牌銅真
武象尙存又一鐵鞭重八十餘斤云是鑄造爐餅餘材
所作

據宋大觀元年顯惠廟碑時有通直郎知廣德軍建平
縣管句學事兼兵馬都監權溧陽縣事張績宣德郎知
縣丞管句學事方洙將仕郎主簿管句學事徐偉達從

事郎行縣尉管句學事向子佺並不見舊志故補之
宋楊邦又寄從弟鱸堂詩從前我亦慕耕桑世故驅人
起北牕昨夜夢歸驚邂逅羊裘和雪釣桐江一片長江
滾滾流此生何日遂歸休秋風準擬搔人耳可待霜寒
始索裘邦又雖曾宰溧陽此詩未必有涉重其忠節而
遺詩又絕少故錄之

山村遺藁序稱仇遠以至元中爲溧陽州教授但至元
改州祇一年教授已有牟應龍不得復有仇遠是以新
志職官從舊志作大德中任而未據金淵集爲證茲故
補之案集載乙巳歲三月爲溧陽校官上府經烏剎橋
和陶淵明韻詩一日不見山胸次塵土積老來志益

壯清遊等疇昔鍾山草堂古每恨身微翮况是佳麗地
牛馬風不隔皇皇問征路冉冉供吏役淵明田可秫肯
爲五斗易石橋跨淮水歧路由此析俗駕何時回爲爾
謝松菊是遠以大德九年三月來任也

仇遠金淵集中多溧陽故事如題云寓舍青安門外則
知當時官署之廢東寺閱藏行香則知當時釋典之頒
夏雨興歎識學田有北鈐之圩黃渚行舟悟縣志稱皇
贅之誤土山迎龍可補風俗郭令陞任俟詳職官又如
一時還往飲酒賦詩卞南仲劉君佐黃景巖陳南翔張
伯成子野公明仲祥介卿之屬其中定有邦人士在焉
其人亦必賢豪長者與庸眾固殊而爵里行實茫然莫

考幸其姓字勵見金淵集中故亟補錄之詩則本集固在茲不具列云

元淮金困吟寒食詩云城西爛漫折桐花珠翠郊原散

綺霞試問溧陽新燕子今年寒食又無家言婉而多諷

溧陽官師題名碑榜久廢且文卷不全故新志職官亦

祇就可考者敘刻續奉藩司抄發乾隆元年以後三十

七年以前官師姓名履歷謹補錄之如後覽者參觀前

刻庶得其全云計補知縣四人陳必達

沈玉瑛同任 車漢傑 四川長壽舉人十四年七月王

焯 順天宛平供事八月十日卸事 何志倬 湖南道州廩生八月

光卸事 劉廷 縣丞二十六人徐元軒 本縣典史十二年八月卸

溧陽縣志

卷十六

雜類志 補遺

五十一

事 侯嘉縉 浙江臨海拔貢十年十二月初五日署任 張齡丰

安 徽 桐 城 監 生 二 任 劉廷光 本縣知縣十四年 童俊 江浙

餘 姚 貢 生 五 任 康曾詔 月十六年十一月 署任 馬鵬飛 安徽桐城

年 正 月 任 冀州煜 山西平遙監生十 署任 王聯芳 本縣典史十

初 九 任 湯國梅 福建古田捐貢十九 署任 王桂發 直隸正定五

二 月 初 十 任 錢塘監生二十年六月去任 廿一 王聯芳 代理二十年 潘涵 江浙

任 八 月 十 五 任 鄧必榮 江西新聯芳 代理 曾日珏 順天大興監生二

理 代 鄧必榮 初 署 王聯芳 于九月初二日 李智深 湖南

桂 州 吏 員 二 署 任 方發 廣東香山監生二十 日 誠海 本

知 縣 五 月 廿 五 署 任 方發 廣東香山監生二十 日 誠海 本

攝 八 月 初 三 方發 回任 兼 李紹勳 湖南平江監生廿 張

年 山 西 襄 陵 貢 生 廿 七 劉元音 山東濟甯州廩生廿 楊

年 四 月 初 四 署 任 劉元音 山東濟甯州廩生廿 楊

年 四 月 初 四 署 任 劉元音 山東濟甯州廩生廿 楊

茂遷 九年江東陽拔貢廿任陳攀龍 順天大興吏員三十劉

恩訓 年本縣知縣三十攝一任紹皋 福建順昌舉人三十

初十楊茂謝庭琛 廣西全州舉人三十羅經 廣西蒼梧

三年八月廿四兼攝九典史十七人 內徐元軒王聯芳

等前已敘刻而漏署李敦元 本縣丞八年五王宗閔 江浙

多訛茲故複出焉 署徐元軒 安徽青陽供事八冀州煜 山西

八月陰吏員八年任王聯芳 山西和順吏員十七李志球 江浙

監生二十七年三王聯芳 山西和順吏員十七李志球 江浙

縉雲拔貢廿二年韓秉仁 順天大興監生廿倪振 浙江

九監生廿三年鍾琅 福建武平吏員廿七李紹勳 本縣丞

九月廿任張毓棟 江西新喻監生廿六沈鳳樓 浙江山陰

十年二月任文 四川清溪吏員廿任李維權 山西鳳臺監生

溧陽縣志

卷十六

雜類志 補遺

五十二

初九張發 安徽桐城吏員三十丁銞 浙江山陰監生三十

八月朱士進 浙江會稽監生三十教諭五人沈俊 本縣訓

三年二月十署孫覺於六月初一任沈俊 又同任李堅

本縣訓導十七年鄒岳 阜甯舉人七月廿七李堅 再署

五月二十署任 鄒岳 事甯舉人七月廿七李堅 再署

任方孝基 金匱舉人五月八月初七李堅 又署任顧道 本縣

三十四年正月十三初十署任下接陸元達 三訓導五人沈

俊李椽前已敘刻而遺其沈俊 鹽城貢生元年許斌 都江

貢生二十六年五李堅 七山陽貢生十六年李蟠 根吳縣舉

教諭廿三年李椽 宿州貢生廿三年李蟠 根再署任

閻史云廣東通志載東莞知縣張泮 案溧陽舊志嘉靖

誤人閻史 保昌知縣劉整俱溧陽人句容縣志載句容人

劉德甫陰德新俱贈溧陽州判又王禕集載筮惟秀昇州人祖溧陽府君俱未詳其出身故附載焉

舊縣志呂昌期春山卽事詩云綠淺紅深二月時鳥聲催和賞春詩山中不少烟霞趣只恐山人未必知蓋昌期不附魏闡以山東參政告歸此詩殆以諷世云

國朝萬任靜園集僕家池詩夕佳樓外樹參差夜月忠魂獨自悲祇爲太平時節好等閑埋沒僕家池謂僕列篋也然則僕家樓之外又有僕家池此雖南昌故迹而溧陽舊志列篋有傳未載此詩故補錄之

金陵志趙淮傳有置司溧陽之文舊志非誤又淮敗被執送詣淮東行省路經秦檜別墅題句亦與山房隨筆

溧陽縣志

卷十六

雜類志 補遺

五十三

不合又據傳其妾實有二人宋史及昭忠逸詠偶未詳耳

國朝陳允衡字伯璣有澄懷閣勤補堂愛琴館諸集從梅渚夜渡瀨上詩客行多晦迹津吏識鄉音官舍祠堂古漁舟葭菼深星光生水螢火出荒林遊子還家夢蒼茫何處尋午日同蛻斯先生章民文學集夏林呈彭葵若孝廉詩地僻宜銷夏科頭坐臥閑竹聲時作雨樹色欲沈山楚俗今朝怨吳音幾歲嫻他鄉同節序把酒且開顏宋柴雪太史招汎園池卽事詩桃源一水曲蓮社數花開但覺人間遠相從畫裏來舟回輕似葉樹合碧於苔客至聞長嘯新詩待汝裁頻年戀紅友今日念蒼

生屬望趨裝意殷勤別墅情遠山看畫手流水載琴聲
更有溪雲色隨人到鳳城伯璣嘗小住溧陽而諸詩舊
志未載故補錄之

國朝馬世位妻周氏少寡無嗣父母欲奪其志氏垂足闕
外關門捺折其脛痛絕方蘇平生非十指所出者不食
年至九十四事載一統志而舊縣志失載事實故補錄
之

舊縣志金大輿與文源朱二溧陽道上詩云路歧苦奔
峭村舍多蕭索遠水明石渠疎雨散林薄唧唧棲鳥喧
澹澹油雲幕頽陽卽主人野飯開山酌窮途賴所歡言
笑解寂寞丈夫江海心何事勞羈縛弭棹息遠遊長歌

溧陽縣志

卷十六

雜類志 補遺

五十四

耕負郭案大輿嘉靖時諸生明詩綜此題另有一首云
侵星發徂兩悠悠卽長路家人前致詞問我將焉赴躬
耕苦旱乾何以資朝暮衣食事奔走晨寒犯霜露楓林
號夜烏宿草棲寒兔輕烟動墟里崩沙依淺渡悽悽浮
客心黯黯長天霧消搖思孔桴濩落嗟莊瓠去去返蓬
蒿脫粟安吾素

舊縣志載李霽送彭月同歸溧陽詩一首月同當是其
字茲補錄李詩於此詩云彭子何方來衣帶秦川土一
卷出囊中津津爲乃祖記之者吾師其言何覩縷乃知
南洲公循良升豆俎白水古彭衙厥地粲三輔馮翼屏
西京拱衛稱左股彭公作令時吏治猶近古悃愾宜偏

人耕鑿田疇伍吠犬足生釐千村夜開戶卽今百年餘
來暮歌如覩畏壘得庚桑尸祝專祠宇伏臘潔明裡絃
歌雜鐘鼓四世有聞孫過庭思政譜間關數千程先型
尋舊部父老懽然迎謂我見明府崇祀與世碑遺愛歷
可數道故若家人倒屣徧環堵揮涕眺山川感慨生仰
俯吾觀昔循吏龔黃及卓魯或生高榮名或沒延世祜
天心晰報施德復如張跗古人勉爲善奏效羞市賈彭
子凌雲質一時嗟鍛羽小屈會大伸蓬累何足憚公侯
世必復達人克繩武三代直道存書此勸乳虎

蔡肇山亭山頂白龍穴詩云南山鑿鑿天作鼓號召諸
龍盡行雨惟有禿角最先到潑墨雲中雷鱗舞當卽丹

溧陽縣志

卷十六

雜類志 補遺

五十五

陽蔡天啟從蘇軾游者豈嘗一至溧陽耶

以下續補

趙忠靖金瀨咏貞女云白首辭廊廟投閒瀨水隈因觀
貞女傳深仰謫仙才擊漂名猶在沈淵事可哀清魂招
不得偷俗挽救回直筆遺青史荒磯鎖綠苔憑將一杯
酒澆向浪花堆葢其罷相奉祠徑歸溧陽里第時作也
芟山趙棗趙潛等題名或以爲趙淮彭謙懷古詩云鬱
鬱芟山瀨水湄橫江釃酒憶當時人心久逐征塵馬世
事俱忘別墅棋斷壁經尋遺幾字寒流千載葬雙姬惟
留白日忠魂在擬向峯頭構小祠亦似以忠愍嘗此題
字者

王曰曾偕友遊豸山宿僧舍詩云曉來同著屐日暮倦

攀蘿徑轉山花接林深野鳥歌結廬青嶂合聽磬白雲
多老衲閑房靜安禪意若何案志有寨山無豸山豈聲
近而誤耶

朱純元東溪港詩云十二街頭蹟已賒草堂低占白鷗
沙武陵此去無多路灑水西來第幾家野岸綠蕪飛燕
子汀洲紅雨落桃花滄浪不洗塵埃耳只許虞郎泊釣
槎東溪不知何地虞郎豈漁郎之誤抑實有其人耶
史詹事夔延秀坊門晚步云洮南秋水縠紋波兩版荆
扉隱薜蘿十里青山離郭遠一村紅雨閉門多家人庖
饌供鮭菜遊子衣裳戀芰荷生計若營田二頃肯將金
帶換漁蓑

溧陽縣志

卷十六

雜類志 補遺

五十六

宋煥射鴨堂懷古云天寶詩人逝不回江干吏隱草堂
開曾聞醉白騎鯨去又見寒郊射鴨來暮色淒迷唐邑
樹雲光縹紗漢書臺眼前風雨如飛鳥獨背蒼山此溯
洄太白未嘗遊平陵城因距金瀨不遠故煥詩并及之
耳

淨香亭廢陳時泰購得薔薇詩斷碑將擇地種薇植援
以覆之作詩云伊昔唐猶盛何分半俸符鶯花一以賞
放達豈爲迂婦寺朝中漸干戈塞上虛寂寥詩酒意俎
豆在三吳

彭芟東謙池館有數處強銳月夜飲芟東池上云明月
壺觴非宿期頻來還自欲留遲平橋露下衣裳溼深夜

風寒鼓角悲近水螢光難自定誰家砧響更相隨獨憐
北舍鳴機婦四壁無燈斂翠眉不知定在某所也又宋
柴雪之繩於東郊構如園陳伯璣過之有詩之繩次韻
云空天浮赤日梧竹覆高涼安穩枝三匝逢迎水一方
展詩生靜氣和墨散幽香明月還期賦君才倍謝莊
陳世超秋曉過西峯草堂云雲煙踏破曉街青詩思來
搜半野亭門埽當風頻落葉案攤前夜欲批經城頭數
尺山如畫屋裏千枝菊作屏料理秋容殊不費草堂真
似在郊扃亦園林之在城內者

宋元貞女廟詩云貞女浣紗日行人去國悲生前漂母
餽死後謫仙詞白月沈魂在黃金報德遲如何孟少府

溧陽縣志

卷十六

雜類志 補遺

五十七

到此不題詩

史振繩宿錫華山寺云空山發清磬欲曙靄還披草淺
迎霜薄峯高上日遲古牆藤覆瓦曲徑竹編籬隔塢聞
人語山農趁市時

陳周勝因寺二賢像云太白東野當時疏放客豈不愛廷評
一日文章在千秋廟貌生

採訪冊云掉淦廟古名隆興寺在縣西六十五里奉安
區合地香火菴康熙間重建案舊志縣西南四十里有
宋龍興寺明初併省後改名掉淦廟豈隆興卽龍興之
譌而舊志失載康熙重建事又縣西六十五里譌作西
南四十里耶抑實有兩寺俱改名掉淦耶又據冊嘉慶

十年湯岳張文貴沈樹祥錢青選錢鴻達錢聖和等於
其地募建地藏十殿立有碑記

趙孟頫題孟東野平陵圖云騎驢渺渺入荒城積水空
林坐自清政使不容投劾去也勝塵土負平生

徐範送溧陽林令罷官還閩云紅亭綠樹瀨江涯把酒
殷勤贈別離得失由來同塞馬行藏何用問蒼龜應知
魂夢於今穩且勉身名以後危過去西湖如訪勝孤山
第一好樓遲

吳穎楊侯去思碑畧云嘉興楊侯南城治溧之期年潔
躬而恕人政平而訟簡凡事之足爲斯民病者去之惟
恐不盡而事之稍有利益於斯民者不異自其身受也

故其善政將書之不勝書辛亥初春忽以舊歲他所竊
發無端延累邑之人不知其事何所始也羣而奔訴吳
門又羣而奔訴白下持糗草牽舟驢或徒步者相屬於
途挽之不可仍不知其事何所終也嗚呼正人在位則
小民樂得其職偶不幸而中沮邑之不造非以爲賢者
詬厲也或者謂上下彌縫之際稍自貶損卽身安卽可
保祿位致尊顯而君子不爲若更有所營救則其使費
勢必償之於民而君子又不忍於是邑之人涕泣不能
別士於庠商賈於市耕者於郊原各執其辭謀所以終
留之乃賢士大夫則見其大矣曰惟禮可以定分惟無
欲可以正己惟養廉可以興吏治斯言夫豈獨爲南城

勸哉且盜賊處分發不及覺名曰疎緝不如期名曰延
乃同一事而有幸不幸焉名之曰諉而侯坦然其弗問
也新令莅任有期而我輩猶日夕在其政教之中晨而
坐堂上暮而入如故也迨新令至而侯始放舟行溧之
人歎侯之歸不得其名也乃方舟以送之抵荆溪未已
也抵梁溪猶未已也抵吳門直至禾中凡五百餘里而
後垂涕以返斯時也人猶相疑於形跡之間有以幸而
得白爲冀者是烏足以量君子哉侯名應標字勝林浙
江嘉興人學者稱爲南城先生順治乙未進士戊戌
廷試二甲授甯國府推官甚有聲赫外艱服闋補龍安
尋丁內難奉裁官之令改知溧陽縣期而奪我侯以去

邑之人留之不能思之不置於其行也屬余文以記之
余爲推其素孚於士民者并去溧之由著於篇鐫石而
陷之壁上庶後之官斯邑者於楊侯之政尚有考也抑
將諗所取法焉爾

王恭送張少府朝覲云閩州少府家何處夢裏青山溧
陽樹訟庭無事獨哦松走馬金陵看花去青繩御路接
青天五陵俠少黃金鞭紅橋翠幔多買醉少府囊中無
酒錢朝回道過鄉山口春風又發秦淮柳溧水橋邊二
校文相逢爲問平安否

洪承疇送黃司理歸溧陽敘云

國家設大卿九而刑官居其三至外郡邑則出侍御史按

所部大獄等而次之屬其事於監司又屬其事於司理
明慎用刑之意可謂周且至矣然自監司以上至大司
寇皆不過總其成而出入輕重始皆定之司理是司理
一官實操萬民生殺之權者也不得其任則巽輒者既
失之縱姦武健者又苦於徇法是非有如神之哲而又
抱好生之慈刑其有瘳乎且刑從兵而起也虞廷命官
帝咨庭堅曰寇賊姦宄汝作士明兵刑相因兵起而刑
應之今天下兵未有盛於閩者則刑亦未有盛於閩者
大之連逮數百小亦數十人鞫者非一吏繫者非一日
加之猾吏受賕舞文撓法雖有五聽之術亦安能盡恃
以崑瞻黃公臨之抑何游刃而有餘也黃公未釋褐嘗
十年閉戶不聞閭外事而其胸懷經濟學貫天人眞所
謂讀破萬卷者以戊戌登第出而司理三山大展所抱
上母負

天子下母負蒼生故其按獄誠敬則如王縉之論辟必焚香告
天而後行精密則如韓琦之汗流浹背暑月不倦明徹
則如蘇頌之文書一經省覽不復遺忘堅正則如范如
奎之不忍以重易一署輕數人之命皆恢恢乎有宰相
之器者故三山之有黃公也如有明鏡而三山人之被
黃公之德也如被春風宜乎三臺之日下大冤奇獄縣
官所不能決移之二千石二千石所不能決卽移之於
公不以鉤距爲能不以摘伏爲智不以笞考繆桎爲勝

民之具每出視事率多平反所存活者不下數百人真能奉

天子德意而爲

國家養有道之福者也矧乃清弊習以蘇役困肅左右以杜緣請擊淫衰以維風教非一時之所謂冰心鐵面雷厲風行者乎昔唐五臣惟士師爲八元才子今黃公以妙年文懸國門爲海內所傳頌乃於政事之暇接見搢紳孝廉咨治得失而又以每月朔謁

先師集諸生而親校之諄諄勸勉以文章器識經其造就者盡爲髦士抑又風流文雅者與乃莅任甫三載忽以細故左遷當事諸大吏愛公之才惜公之遇羣爲歌

溧陽縣志

卷十六

雜類志 補遺

六十一

詩以贈之而闔屬之學士大夫暨父老子弟莫不咨嗟感泣如失父母師保焉意天將使公厚蘊其經綸本今日之所以理吾閩者異時且一出而理天下則其勲名所就必有與徐杜諸公後先輝映者而奚止三山士庶戴公德於弗諼也哉余不佞雖羈棲萬里素聞公名於其行也爲作敘以弁輿頌之首

繆希亮柬王用拙云西山掩映村居近南郭連延徑路斜乘興不妨頻看竹結盟還喜共尋花主人健否能嘗酒童子歸來試煮茶已促南園理高屐便於今雨過君家

虞許喜錢仲翔自山中來至東門云青門紫氣忽蒸霞

門外初停泛漢槎
携有龍孫春半筍
袖來雀舌雨前茶
翠微猶裊衣裾溼
白雪多饒髻髮賒
安得歲星常在此
年年同食故侯瓜

張烜過宋南莊云
村林下馬訪高隱
一笑相留盡日歡
膾出溪鱗銀入筯
炊來園筍玉明盤
窗前芝草清芬藹
石上松陰空翠寒
記得晦翁詩句好
一川風月要人看
陳邁城西晚眺云
簷影瀉歸雲斜陽
淹樹色沽春解杖
頭得句歌街側
橋鎖彩虹新溪迴
黛烟塞啼鶯送晚
風
嚶嚶聲如織

費達郊行云行野
得佳趣秋聲在樹
間人多豐歲樂天
與遜翁閑荻望初
霜白楓迎夕照殷
田家足新釀擬日

溧陽縣志

卷十六

雜類志 補遺

六十二

更看山

施漸雨泊溧陽云
野水悠悠歲易闌
客舟行處亂峯攢
山中一雨諸溪滿
湖上孤村獨夜寒
世事已將樗共朽
浮名猶是鴈求磐
莫因旅食空彈鋏
今日侯門少問殮
史騏生雪夜放舟
歸自胥渚云廿載
真成行腳僧黑貂
塵笠帽簷冰酒澆
塊礪應盈斗趺踏
崎嶇不計層欵乃
一聲湖上艣模糊
幾點雪中燈石帆
山畔春江濶回首
雲煙是秣陵

強銳題畫云瀨江
昨夜一尺雨清曉
開門春水生霧溼
小橋人不見隔溪
風送賣魚聲

彭萬里字思遠洪
武初用御史曹某
薦授本邑掌教事

母孝常以身煥衾裯及溷器後徵明經孝廉辭不赴

據彭

彭鳳字丹山雍正癸卯正科順天中式父嘉穀疾鳳割

股和藥以進

據舊志

舊志載楊禹甸絕命詩云男兒識得忠義字惜命偷生
良足悲懷抱丹心投碧水免教塵汗好須眉又載鍾鼎
見有以畫絹爲衣者題曰裂破江山俱不管一人文繡
待何如

四庫全書總目云鐵廬集三卷外集二卷後錄一卷

國朝潘天成撰天成字錫疇溧陽人寄籍桐城爲安慶府
學生溧陽志載其幼與父母避讐相失年十五乞食行

溧陽縣志

卷十六

雜類志 補遺

六十三

求遇於江西界百計迎歸傭販以養備極艱苦以其間
讀書講業竟爲積學年七十四汜窮餓以死瞿源洙集
有潘孝子傳與志所言合蓋篤志苦行之士也是集爲
其門人許重炎所編冠以小傳年譜第一卷爲默齋訓
言天成述其師湯之錡語也二卷爲雜著天成詩文也
三卷爲語錄重炎與蔣師韓記天成語也外集一卷爲
勿菴訓言天成記其師梅文鼎語二卷爲雜著亦天成
遺文補刊者後錄一卷則其墓記之類也天成學問源
出姚江以養心爲體以經世爲用其詩文皆抒所欲言
不甚入格然行誼者文章之本綱常者風教之源天成
出自寒門終身貧賤而天性真摯人品高潔類古所謂

獨行者其精神堅苦足以自傳其文故身沒嗣絕而人至今重之特錄其集俾天下曉然知

國朝立教在於敦倫紀礪名節正人心厚風俗固不與操觚之士論文采之優劣亦不與講學之儒爭議論之醜疵也又簡明目錄云鐵廬集潘天成撰其語錄頗雜於禪詩文亦不甚工然天成篤行純孝艱苦不渝足以敦風俗而勵人心天下之義理文章莫大乎是特存是集以示表章不與操觚之士論詞采之工拙亦不與講學之家爭議論之醜疵也

賜諡忠肅前明督師兵部尚書盧象昇墓在惠得區西壑峇

按忠肅
宜興人

溧陽縣志

卷十六

雜類志 補遺

六十四

明贈奉政大夫崇祀鄉賢生員宋檄墓在三塔官田崧
明贈太僕寺卿新安知縣宋臣熙墓在馬塾義貝墩
節婦汪宋氏儒童承德妻乾隆十年生二十八歲守節
嘉慶十六年呈請

旌表

節婦梁陳氏家祥妻乾隆十八年生二十三歲守節嘉
慶十六年呈請

旌表

節孝祠舊在三皇宮左乾隆間節孝後裔倡議捐資改
建購得東察院舊址二畝七分陳氏屋五間及基地五
分至十三年始爲屋三間卜吉遷主榜其門曰

勅建節孝祠

據沈元煉撰記
未刻石

黃成字純齋著古本大學章句謂古本之說與朱子之說本無豪髮之差其不同者特在於章句離合之間乃為另分章目使人不得援古本以訾朱子惜書不甚傳其說畧見於周柄中四書辨正

溧陽縣志

卷十六

雜類志 補遺

六十五

溧陽縣志後叙

嘉慶十五年 制府今大學士松公議修江南通志先
檄所部纂送志藁時鄒平李葛峯明府宰溧陽一日過
炳委以編輯縣志固辭不獲命乃盡卻書幣束脩之儀
以明年正月啟局平陵書院未幾明府調任去錢唐陳
曼生明府繼之明府閱覽達識著作之材賓朋又一時
英雋也顧辱始終託付於不材復爲審定去取而假以
歲月俾得從事蒐討以十八年六月成書十有六卷區
區義例之所在書中備矣而復有所不獲已於言者是
書之修因也而有二大端嫌於創故畧叙原委冀來
者進考焉溧陽自宋乾道時趙廓夫有志世久失傳傳

溧陽縣志

後叙

者明宏治萬厯間符帥二志

國朝康熙乾隆間徐王成吳諸志二百六十年之中修凡
六次班班乎宜其足徵矣顧志書之患在於始作之不
精趙志今不可見宋周應合景定建康志元張鉉至正
金陵志較爲近古然以溧陽事跡徵之其建置沿革不
考正史而每據偏記中江溧瀨經籍所載而源流莫詳
又如古之令長自吳淩操至齊樂預凡十餘人皆見於
正史而不爲題名宋之蓋臣陳伯玉鄭驥劉穎李衡莫
謙之等以近代之事而不爲立傳凡皆疏漏之大者豈
非周張二書期會促迫自乾道以前第摭趙志而所續
後事又復未遑博采以致勦說相沿由明迄今莫或補

正耶然猶幸二書勵存得以徵十一於千百如所記宋元田賦詳哉言之又宋令百十四人元諸官百八十三人而縣志於此闕略殊甚假使二書俄空今更何由鄉壁虛造雖然事之可得而言者今頗援据史籍多所補正幾於創爲之矣其不可得而正者則所謂慮翻成案愧無異辭自康熙間進士陳時泰與修成志叙文已言之今亦詎勝於古耶始時同局凡有數君旣而各以宦游謝去獨彭明經敬在事一年而族叔茂才津勤於纂輯實相與終始夫以炳之固陋而又助之如此其寡則卽向所援据而補正之者亦必不免於疎漏所望於大人先生鑒其弗逮而裁成之惠莫大焉嘉慶十八年六

月二十日前興化縣教諭 咸安宮教習邑人史炳謹

叙

重印舊志跋

溧陽縣志嘉慶癸酉前宰陳曼生先生暨邑紳史恒齋
孝廉所纂脩共十六卷另附訂正二卷兵燹後舊志僅
存等於碩果訂正二卷歷經出示蒐求竟渺遺本因倣
江甯府志新舊分編之例用活字板先印舊志而以新
志續之異日訂正二卷或能網羅仍補刊附於舊志後
以成完璧予樂是編竣工爲綴數語以誌緣起時

光緒丙申仲冬知溧陽縣事楊志立謹跋